

सानसेयारि "बड'सा" खौरांलाइयाव
अमाज्यादि जिउजो लोब्बा थानाय रायथाय, खन्थाय,
अल', अल'बाथा आरो हावबायादि थावनि, पार्क
बाइदिनि सायाव लिउनाय लिउबिदां दैथाय हर/

सानसेयारि "बड'सा" खौरांलाइया खेबखानावै
फोसावगोन।
बड'सायाव लिउठरनायनि दुहा खालाम,
"बड'सा" खौरां नोथो, जो बयबो आंगो खालाम।

सानसेयारि बड'सा मावखुलि

माइब नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Sunday ★ 15 October, 2023 Kokrajhar, BTC, Assam ★ Vol.- 33, Issue No.201? ★ R.N.I.Regd. No.40994/91, Assam Govt.Regd.No.IPRD.40/2006/3, ★ Rs.8/-

**गिखंथाव मटर
साइकेल जाब्रबथायाव
सासे सुबुं थैदो गुबुन
सासे जोखोम**

कक्राझार, 14 अक्टबर:
कक्राझार जिल्लानि
मकरपाराआव थानाय हराव
सोमजिनाय गिखंथाव मटर
साइकेल जाब्रबथायाव सासे
लाइमोन जिउ गोमानायजो
लोगोसे गुबुन सासेया गोब्राबे
जोखोम जायो। थानाय हरनि
8:30 रिगायाव सोमजिनाय बे
मटर साइकेल जाब्रबथायाव जिउ
गोमानाय लाइमोनखौ धुबुदी
जिल्लानि सापतग्राम पुलिस
थानानि सिडाव थानाय
सासारागविन जयजित नाथ
(18) होन्नानै सिनारथिनो
हादो। लोगोसे गोब्राबे जोखोम
(□ 5 बिलाइआव)

गुवाहाटीआव इभि सार्जि नेटवर्क गायसन्नो टाटा पावारजो आसाम सरकारआ गोरोबलायनाय रादायाव मुंसाइदो

दिसपुर, 14 अक्टबर:
गुवाहाटी नोगोरमानि
खानापारायाव थानाय हान्था-
मेला कमिसनार मावखुलिनि
मेल जथुमसालिआव आसाम
सरकारनि हान्था-मेला मन्थि
परिमल शुक्लबै ध्यनि
नुजाथिफै नायाव आसाम
सरकारनि हान्था-मेला बिफान
आरो टाटा पावार इभि सार्जि
सलुसन लिमिटेडनि गेजेराव
मोनसे गोरोबलायनायनि
रादायाव मुंसाइलायदो। आसाम
सरकारनि जानानै बे
गोरोबलायनायनि रादायाव
मुंसाइदो हान्था-मेला कमिसनार



रुबिन कुमार आरो टाटा पावार
इभि सार्जि सलुसन
लिमिटेडनिफ्राय मुंसाइदो बे
गुपनि फालांगियारि
फोजोखानायनि गाहाइ बिरेन्द्र
गयेलआ। मख'नो गोनादि, बे
थांखिआ जेब्लायबो मुखुब
जानानै थानाय गुवाहाटी
नोगोरमायाव इभि सार्जि गुदि
बिथानि बिथिइव जर'खा खाबु
होगोन। बे थांखिनि बाहागो
महैर टाटा पावारआ सहरनि
गेजेराव पाइलट प्रजेक्ट महैर
गोनांथार जायगायाव मोन 10
गोजो थाखोनि इभि सार्जिनारि
(□ 5 बिलाइआव)

**बिपिएफ दोलोनिफ्राय होखारजानाय
भरत शर्माआ खौरांगिरि मेलनि
गेजेरजो गोखो फिनजाथाय होदो**

कक्राझार, 14 अक्टबर:
बिटिआरआव साननैसो सिगां
बिपिएफनि सासे गोजो थाखोनि
दैदेनगिरि भरत शर्माआ सनातन
धोरमारिफोरनि सान्नाय-हनायखौ
गालोबनाय गान्धी नख'रारिखौ
सो'खारिनारनि उनावनो
बिपिएफनि दैदेनगिरिआ हरखाबे
बिपिएफ दोलोनि नोजोरव गोग्लैयो। मख'नो गोनादि, थानाय
20 बोसोरनाइ बिपिएफ दोलोजो लोब्बा थानाय बिपिएफनि
मिरु मावकुं सोद्रोमा भरत शर्माआ गान्धी नख'रारिखौल'
सो'खारिनारनि थाखाय दोलोआ जायखि-जाया जाहोन
फोरमायथिलाइ गथायालासे हरखाबे होखारसायाव दिने कक्राझारआव
खौरांगिरि मेलनि गेजेरजो बिपिएफ दोलोनि फार्से गोखो फिनजाथाय
होदो बावैसो दोलोनिफ्राय होखारजानाय बिपिएफनि बारा'
दैदेनगिरि भरत शर्माआ। शर्माआ बिपिएफ दोलोजो 20 बोसोरनाइ
सैथो आरो मोजो सान्थौजो खामानि मावनानै दिने बिपिएफ दोलोआ
गावखौ हरखाबे सरसन्ना मोनसे (□ 5 बिलाइआव)



सुबनकातायाव फरायसालिनि फरायसाफोरनो साइकेल रान्नानै होदो

मुसलपुर, 14 अक्टबर: बाक्सा
जिल्लानि सिडाव थानाय
सुबनकातायाव थाखो गुआव
फरायनाय फरायसुला-
फरायसुलिफोरनो दिने गिबि
मन्थि जर'खा बिथांखिनि
गेजेरजो बेसेननाइ साइकेल
गथायनानै होदो बिटिसिनि
गाहाइ मावकुं सोद्रोमा प्रमद
बर'आ। साइकेल गथायनाय
हाबाफारिआव बाहागो लार्फेनानै
फरायसाफोरखौ फरायनायनि
बिथिडाव गोसो होनो
खावलायो। दिने बाक्सा
जिल्लानि सुबनकाता गोजोसिन



गेजेर फरायसालिआव खुनाय
साइकेल गथायनाय
हाबाफारिआव बिटिसि एलएनि
बुंथिगिरि कातिराम बर',
फरायसालिनि गाहाइ फोरंगिरि

गनेश शर्मा, फरायसालि सामलाय
आफादिनि आफादिगिरि मुसिमा
बिना बाला गयारिमोनजो
लोगोसे फरायसालिनि
फोरंगिरिफोर, फरायसालिनि
फरायसाफोर बाहागो लादो।□

सुबनखाता आरो जपादं ओन्सोलरवौ बाक्सा जिल्लायावनो लारिगोन: प्रमद बर'

मुसलपुर 14 अक्टबर: गोदानै
दाफुनाय तामुलपुर जिल्लायाव
सोसनजानाय बाक्सा जिल्लानि
सुबनखाता आरो जपादं
ओन्सोला बाक्सा जिल्लायावनो
थाफिनगोन। दिने भारत-भुटान
सिमनानि सुबनखातायाव
बिटिसिनि गाहाइ मावकुं सोद्रोमा
प्रमद बर'आ नुजाथिहैनानै
सुबनखाता आरो जपादंनि सांग्रां
नोगोरारि आफादजो सावरयनानै
बे ओन्सोला बाक्सा
जिल्लायावनो थागोन होन्नानै
मिथिहोयो। बेनि सोमोन्दै
राइज्योनि गिबि मन्थि ड



हिमन्त बिश्व शर्माजो
सावरयनानै गांसे फोरमायथाय
दैथाय हरगोन होन्नानैबो प्रमद
बर'आ मिथिहोदो। मख'नो

गोनादि, बियाब
दाफामफिनारनि गेजेरजो
बाक्सा जिल्लानि सुबनखाता
आरो जपादं ओन्सोलखौ

तामुलपुर जिल्लायाव
सोसन्नारनि उनिनफ्रायनो
सुबनखाता आरो जपादं
ओन्सोलनि राइजो-राजाफोर
गोखो हँथा सोमावसारदोमोन।
बेनि उनाव दिने सुबनखाता आरो
जपादं ओन्सोलनि राइजो-

राजाफोरजो प्रमद बर'आ
सावरयलायो। सावरयनाय
समाव सुबनखाता आरो जपादं
सांग्रां नोगोरारि आफादिनि
बिबानगिरिफोरजो लोगोसे
बिटिसिनि बुंथिगिरि कातिराम
बर'आ सुबनखाता-जपादं
ओन्सोलनि एबसु, आगसु,
आसु, आतसा, जपादं,
उत्तरकुसि-सुबनखाता, सनापुर
जाम्फे बान्दो आफाद, सा-
सान्जा दै रानसारथाय आफाद,
गागि नोगोरारि आफाद,
आबोफ, बर' थुनलाइ आफाद
बायदि गुबुन गुबुन दोलो-
आफादिनि दैदेनगिरि-
मावथिफोरा बाहागो
लादोमोन।□

खोला तामुलपुर दालाइ फरायसा आफादिनि जथुम्मा खुदो



तामुलपुर, 14 अक्टबर: दिने तामुलपुर जिल्लानि बतियामारि
गोजो फरायसालिनि लागोनायाव खुनाय खोला तामुलपुर दालाइ
फरायसा आफादिनि गिबि बोसोरसालिया जथुम्मानि सरसन्ना
मेलनि गेजेरजो सिगांनि खोला तामुलपुर दालाइ आफादखौ
सिमफायनानै मोनसे गोदान आफादखौ दाफुनाय जायो। तामुलपुर
दखरा फरायसा आफादिनि मावकुं (□ 5 बिलाइआव)

**सरुपेटायाव 98
थि श्री श्री दुर्गा
फुजा खुनो
साखा-फारा**

भबानिपुर, 14 अक्टबर:
सरुपेटा सर्वजननि श्री श्री दुर्गा
फुजा खुंफु आफादिनि
बान्जायनायाव सरुपेटायाव फँगो
20 अक्टबरनिफ्राय 24
अक्टबरसिम सानबानि
हाबाफारिजो श्री श्री दुर्गा फुजा
फोबो खुनो साखा-फारा जादो।
सान 5 नि हाबाफारिआव 20
अक्टबरखालि मोनाबिलिनि
5.30 रिगायाव 98 थि सरुपेटा
सर्वजननि श्री श्री दुर्गा फुजा
फोबोनि गाहाइ हाबग्रा गेटखौ
बेखेवगोन। 5.45 रिगायाव
फोबोनि मावखुलिनि गेट
बेखेवनाय, 6.00 रिगायाव श्री-
(□ 5 बिलाइआव)

कक्राझार निलिट एक्सटेन्सन सेन्टारनि बान्जायनायाव एनइसिबि 2.0 नि हाबाफारिखौ जागायबाय

कक्राझार, 14 अक्टबर:
कक्राझार निलिट एक्सटेन्सन
सेन्टार आरो कक्राझार जिल्ला
सर्व शिक्षा अभियाननि जुथायै
सामलायनायाव 50 घन्टाण्डे
इन्फर्मेशन इलेक्ट्रनिक्स एन्ड
कमिउनिकेसन टेक्नल'जिनि
गेजेरजो फरायसालिनि
फोरंगिरिफोरखौ फोरोंथाइ
होनायनि हाबाफारि लादो। बे
थांखिखौ नर्थ-इस्ट केपासिटी
बिल्डि 2.0 एवा नैथि खोलोबनि
हाबाफारिखौ मावकुं नो
आखाइयाव लादो। बे
हाबाफारिखौ मावकुंनो थाखाय
थो'जोडे भारत सरकारनि
मिनिस्ट्री अफ इलेक्ट्रनिक्स एन्ड




इन्फर्मेशन टेक्नल'जिआ
रुंखान्थियारि मदद होनाय बे
हाबाफारिखौ लानाय जादो। बे

हाबाफारिनि गुबै थांखियानो
जादो-फोरोंगिरि एबा
सोलोंथाइजो लोब्बा थानाय

मावफारियाफोरनि गेजेराव
डिजिटल आरो इन्फर्मेशन
(□ 5 बिलाइआव)

कसुतला-सान्जा कुर्साकाति गाथोननि सम्पाबति दैसानि सायाव लुनाय औवानि दालां बेखेवदो

बासुगाव, 14 अक्टबर:
कक्राझार आरो चिरं जिल्लाखौ
बोखवानानै सिमना महैर सा
फार्सेनिफ्राय खोला फार्से
सम्पाबति दैसाया बोहैलोबाय
थायो। मख'नो गोनादि, बे
दैसानि कसुतला-सान्जा
कुर्साकाति गाथोनआव
दानसेनाडे खामानि मावग्राफोर
लुबाय थानाय गोलावथार
औवानि दालांजो दिनेनिफ्राय
राइजो-राजाफोर हान्था-मेला
एबा थालाय-फैलाय खालामनो
हाबाय। नाथाय गेजेर
बाहागोआव आद्रा जानानै थानाय



बाहागोआव दैसा गेजेरनि गोजो
बालाबारि साजो थाबायना एबा
साइकेल-मथर साइकेलजो
थालाय-फैलाय खालामनायाबो
सोलिदो। बे आद्रा थानाय

बाहागोखौबो फँगो दुर्गा
फुजानि सिगांनो मावुं जागोन
होन्नानै खामानि आद्रा सुबुंफोर
मिथिहोदो। मख'नो गोनादि,
(□ 5 बिलाइआव)

सुजुगिरिनि खोलोम

इयुन सुबुं सम्पदखौ रैखाथि होनाया बयनिबो बिबान

आइजो माहारिखौ भारतीय समाज राहायाव गोजौ मासि होनाय जायोब्लाबो बाइदिसिना बिथिडव गोबां समाव बाइदिसिना जाहोननि असिला लानानै उतखार खालामानानै गोजौ मान होनायनि मासिखौ नेवसिबोदों, लाजिफोनाबोदों। मुडवल 'गोजौ मान होनायनि बाथा बुनानै आथिखाल मुलुगनाडैनी आइजोफोरनि सायाव इनाय-उतखार खालामानाया बांबोदोब्लाबो बेनि सायाव होबथानो राहा हिसाबै आयेनि खाथि बाहाय बोदों। नाथाय बेखौ बाहायनानैब्लाबो उतखारनि हाबाया जोबनानै फैयाखै। आइजोफोरनि सायाव उतखार खालामानाया न'नि सोरगिदिं जेवरानि सिडावल' थाबथानानै थायाखै- लांगोना मोखांनिफ्राय लानानै गुबुन गुबुन थावनिफ्रावबो आइजोफ्रा मान-इज्जोत लुथि जानानैल' बारग'याखै जिउबो गारनांगौ जादों गोबां समाव। मान इज्जोतयावल' आइजोफ्रा इनाय उतखारजों नासय जानानै थायाखै- साखि बाखिनि बेलायावबो मोन्नांगोखौ मोन्नी थाडैयाव आथिखालसिम हौवा माहारिजों समानै दावगा लांफानो खबु मोनाखै होनानै सान्नाय जायो। समाजयारि आसार खाथिनि गोखों बेंखन्थायाव थानानैब्लाबो जिउनि दावहाथिलियाव ओंखार बोनाय गोबां आइजो माहारियावो बाइदि समाव- गोसोयारि, देहायारि आरो आथोनारि बिथिडे-उतखार खालाम जानायल' नडा-आवसारि मुवा-बेसादफोरबादि बाहायजानो नागिरनाय बिसोरनि दुखु दाहाखौ फोरमायनानै फोजोबनो हाया।

आथिखाल बाइदिसिना राहा आरो सोलोजों रोंनाय-रोडै लांखारग्रा माखासे हान्जानि आखाइयाव गोपलैनानैबो गोबां आइजो,हिन्जावसा बोलि जानानानै जिउखौ खोमसि लामाजों आगान सुरनांगौ जानानै फेदों। रां आर्जिनयनि गोलै राहा हिसाबै आइजो लांखारग्रा सुरां फालांगि हान्जाफ्रा जैरै आइजोफोरनि सायाव इनाय-अनागार राहाजों नांथाबो बिबिनो आथिखाल जौथुबनि मुडवलबो गोबां आइजोफ्रा इनाय-उतखार खालामजायो। बेफोरनि अनगायैबो आथिखाल हिन्जावसा खामानि मावग्राफोरनि सायाव देहायारि, गोसोयारि साजा होनायनिबो खौरां नुनो मोन्नाय जायो। बेफोरबो मोनफा मोनफा समाजनि बेरेखा हाबा।

लांखारनाय, इनाय-अनागार खालामानायनि गेजेरजों समाजयाव मिबथिफेरे, खोनाफेरे बाइदिसिना गिखंधाव जाथाय समाजयाव फैनानयनिबो खौरां जों खोनानो आरो नुनो मोन्नाय जायो। बिबिदयाव समाजनि इयुन सुबुं सम्पदखौ रैखाथि होनायनि सायावबो समाजया सांरां जानांगोन।

दिनैनि फान्जामुथि

राशि बाइदियै मुनि गिबि हांखो

मेघ : अल **बुध :** ऊब (उ ए इ) **मिथुन :** क छ (ड घ)
कर्कट : ड ह **सिंह :** म ट **कन्या :** प ठ (ण ष)
तुला : त र **वृश्चिक :** ब न **धनु :** ध भ (ङ फ)
मकर : ख ज **कुम्भ :** ग श (स) **मीन :** द च (ख ज झ)

- मेघ:** जैरेबो रंजा-खुसि खालामानानै थानो हागोन। गोजोनै सम बारहोनो हागोन। मोजां सम।
- बृष:** जेखि जाया फालांगि मावनायाव रंखावरनि मुलाम्फा मोन्नी हागोन। मोजां सान।
- मिथुन:** माबाफोर मोजां मुवा-बेसाद सोरजिनानै लानो हागोन। गोजोन्नायखौ मोनगोन।
- कर्कट:** फालांगि मावनायाव रंखावरि ख'हा जानो हागौ। सांरां जानानै मावनांगोन।
- सिंह:** जेंना-जैसि थानायफोय जोबनाय नडा। गोसोखौ शान्ति मोन्नाय नडा। गोसोखौ हम्थानांगोन।
- कन्या:** देहायाव सानाय-सुनाय बेराम सिखानो हागौ। देहाखौ सांग्राडै लाखि।
- तुला:** जेखि जाया गोसोआव लोरबां, गिनाय मोनखानो हागौ। गोसोखौ सांग्राडै लाखि।
- वृश्चिक:** मानिबा जेंना थानायफोर दड'बा सुखांजानायखौ मोन्नी हागोन। गोजोन्नाय मोनगोन।
- धनु:** मोजां रेंगथि जानो हानायनि मान मोन्नी हागोन। गोजोन मोनगोन। मोजां सान।
- मकर:** बहाबाफोर दावबाय हैनो मोन्नी हागौ। गोसोखौ गोजोन मोनगोन। मोजां सान।
- कुम्भ:** देहा थासारिआव बोरैबाफोर जोखोमफोर मोनबायबायनो हागौ। सांग्राडै था।
- मीन:** नख'र संसार जानायव गोजोन्नायखौ मोन्नी हागोन। फारफोमथंबो मोजां।

भारतआ थाबैनो चीननि उनाव नैथि बयनिखुड गोलावसिन मेट्र नेटवार्क गोनां हादत जासिगोन

गोदान दिल्ली, 14 अक्टबर: मिरुआरि न' आरो सहरनि हाबा मावग्रा मन्थि हरदीप सिं पुरीआ बुडोदि, सहरनि हान्था-मेलानि गाहाइ राहा जानानै ओंखार बोनाय मेट्रखौ फुवारनाया मख'जाथाव आरो हादतआ थाबैनो मुलुगाव नैथि बयनिखुड लावसिन नेटवार्क गोनां हादत जासिगोन। बिफानजों सोमोन्दो गोनां संसदीय बोसोनगिरि कमितिनि जथुमयाव सोद्रोमाफोरनि फारसेनिफ्राय सहरनि हान्था-मेलानि लानानै दिखानाय सौनायनि फिन्नाय होनानै पुरीआ बुडे, आथिखालाव हादतनि मोन 20 सहरफोराव मेट्रनि सिबिथाया गासै 874 किल'मिटर गोलावयाव अपारेशनल दड आरो गोबां सहरफोराव गासै 986 किल'मिटरनि लामायाव हाबाफारि सोलिगासिनो दड। बेनि मदतजों हादतआ चीननि उनाव बयनिखुड गोलाव नेटवार्क गोनां हादत जागोन। बे जथुमनि आयदाया सहरारि हान्था-मेलामोन। एमपिफोर जथुमनि समाव आबांन मबिलिटिखौ



लानानै माखासे सौथि दिखानों जेराव जर'खायै बिसोरनि संसदीय ओन्सोलफोर आरो राइज्योफोराव मेट्र बिथांखिफोरखौ लानानै सौनाय सौथिया दंफायोमोन। बेजों लोगोसे लास्ट माइल कानेकिटिभटि, गाहामै दावबायनाय, दावबायारिफोरनि सुबिधा आरो मेट्र बिथांखिफोरखौ फुवारनायजों लोब्बा गोनां आयदाखौबो दिखाडे। बे जथुमयाव बिजेपि लकसभा सोद्रोमा रमेश बिधुडीआबो दंफायो, जाय बावैसो समाव सदननि सिडव जेंना गोनां बिबुंथि होनायफोरनि जाहोनाव कमितिनि हाबाफारिजों मोगा-मोगि खालामगासिनो दड'।

कमितिनि गुबुन सोद्रोमाफोरनि गेजेराव तिरु एकेपि चिनराज, एमभिधि सत्यनारायण, श्रीकान्त एकनाथ शिन्दे, अविर् रन्जन बिस्वास, वन्दना चहाणओ दंफायो। बे जथुमयाव सोद्रोमाफोरनो वन नेशन वन कार्ट बिथांखिनि खौरां होयो। गाहाइ मन्थि मदिआ बे हादतनिनो माहारियायारि कामान मबिलिटि कार्डखौ 2019 नि मार्च दानाव लन्च खालामदोंमोन। बे कार्डखौ रिटेल शॉपिं, रेस्टुरेन्ट, एटिएम, पेट्रोल-डिजेल सोनाय, पाकि बायदिनि थाखायबो बाहायनो हागोन।

नासाया बेसेन गोसा धातुखौ संदानो जरखा मिशन दैथाय हरदों



गोदान दिल्ली, 14 अक्टबर: आमेरिकानि अखांमा एजेन्सि नासानि मोनसे आगोमा अखांमा यानखौ जरखा एस्टेरयटनि सोरगिदिं नायबिजिनो थाखाय दैथायहरनो थांखि लादों। बेयाव मोन्नी हानाय आगोमा धातुखौ नायबिजिनो थाखाय मोनसे एस्टेरयटआव 6 बोसोरनि थाखाय अखांमा यानखौ दिनै दैथायहरनाय जायो। मख'जाथावदि, बांसिन एस्टेरयटफोरनो गिदिर- गिदर अन्थाइ एबा बरफनि जायो। नाथाय बे धातुनि मुलुगखौ गिबि खेब नायबिजिनो जागायदों होन्ना बुंनाय जादों। बिगियानगिफोरनि बायदिब्ला, बेयो बबेबा जागायजेन्नाय ग्रहनि मिरुआ बायनायनि जोबथा खोन्दो जानो हागौ आरो गुबुन अन्थाइजों बुंफबनाय ग्रहफोर आरो बुहुमनि आगोमा मिरुफोरनि बागैबो मख'जाथाव खौरां होनो हागौ। स्पेस एक्सआ नासानि केनेडि स्पेस सेन्टरनिफ्राय अखांमा यानखौ लन्च खालामदों, जायनि मुड बै एस्टेरयटनि मुडैनी

इडनिभासिटिनि गाहाइ बिगियानगिरि लिन्डि एलकिम्स-टेनटनआ बुंदोदि, जौनि बुहुमनि धातुनि मिरुआव थांनाया गोबाव समनिफ्रायनो सुबुंफोरनि मोनसे सिमां जाना दंमोन। बैयाव नारसिन्थाया जोबोद गोबां, बिडुडबो गोखौसिन। टेकनल'जिआ बैसिम सौहैनाया गोब्राव। नाथाय जौनि सान मन्डलआव मोनसे राहा दड; जायजों जों धातुनि मिरुखौ नुहुरनो हायो। बे राहायानो जादों, बे एस्टेरयटआव थांनाय। एस्ट्रनमारफोरा राडार आरो गुबुन जोन्थोरफोरजों मिबथिनो हादोंदि, बे एस्टेरयटआ जोबोद गिदिर। बेयो 144 माइल गुवार आरो 173 माइल गोलाव। बिगियानगिरिफोरनि बादिब्ला, बेयाव लहा, निकेल आरो गुबुन धातुफोरजों आबुं जानानै दड। बेफोरनि अनगायै सरसनसा बिबाडव सना, रुपा, प्लेटिनाम एबा एरिडियामआबो बेयाव गलायफाना थानो हागौ। मख'जाथावदि, यजना बायदिब्ला, दिनै दैथायहरनाय स्पेसक्राफ्टआ 2026 आव सौहैनाया लासे 2029 सिमाव जादों मोन। एरिजना स्टेट

हादतजों हादत दावहानि जाहोनाव गोथां थावनि बेसेनआ बेरलआव 90 डलारनि बांसिन जाबाय

गोदान दिल्ली, 14 अक्टबर: आथिखालाव कूड अयेलनि बेसेनआ इन्टरनेसनल बाजारव मोनफ्रोम बेरलआव 90 डलारनि बारलांबाय। माखासे हादतफोराव सोलिबाय थानाय दावहाया गोथां थावनि बेसेनाव गोहोम खोखलैदों। जौनि हादतनि सरकारि थाव कम्पानीफोर जैरै- भारत पेट्रोलियम करपरेसन लिमिटेड, इन्डियान अयेल करपरेसन लिमिटेड आरो हिन्दुस्तान पेट्रोलियम करपरेसन लिमिटेड बायदिफोर सानफ्रोमबो फुंनि



6 रिंगायाव पेट्रल आरो डिजेलनि बेसेनखौ दिन्थियो। गाहायै बेफोर थावनि बेसेनखौ गोथां थावनि बेसेननि सायाव सोनारना थि खालामनाय जायो। बेनि अनगायै बेयाव

टेक्स, कमिसन, वेट बायदिफोरखौ बो रजाबफानाय जायो। बेनि जाहोनावनो हादतनि गोबां सहरफोराव पेट्रल आरो डिजेलनि बेसेना समान

कंग्रेसआ आफगानिस्तान, पाकिस्तानआव जुथाइ सरकार दानांगौ: हिमन्त बिश्व शर्मा


गुवाहाटी, 14 अक्टबर : आसामनि गिबि मन्थि हिमन्त बिश्व शर्माआ बुंनाय बायदिब्ला, इन्ड्राइल आरो हमाजनि गेजेराव दावहाखौ लानानै फिलिस्टाइननि मदतआव थांखि पास खालामग्रा कंग्रेसआ आफगानिस्तान आरो पाकिस्तानआव जुथाइ सरकार दानांगौ। गिबि मन्थिया थांनाय बृहस्पतिबारखालि हरआव जरहाटआव खौरांगिरिफोरनि सिगाडाव बुडोदि, फिलिस्टाइननि सोमोन्दै बुंनायनि सिगां कंग्रेसआ इन्ड्राइलनि सायाव हमासनि उतखारि गाग्लोबनायखौ सौंखारिनांगौमोन। बिसोर आइजो आरो गथ'फोरखौ गावसोरनि बेंखनाय



लाखिनयनि थाखाय हमासखौ सौंखारिनांगौमोन आरो फिलिस्टाइननि सोमोन्दै बाथा बुंनांगौमोन। नाथाय कंग्रेसनि थांखियाव उतखारि हमासआ आइजो आरो गथ'फोरखौ जेबो मख'याखै। बबेखानि फिलिस्टाइननि बाथाखौसो मख'दों, जाय पाकिस्ताननि बिबुंथिनि समान। बिथाडव बेरेखा दोलोनि सायाव नोजोर होनानै बुंदों, कंग्रेसआ

आफगानिस्तानआव तालिबानजों लोगोसे एबा पाकिस्तानआव इमरान खान नडाब्ला शाहबाज शरिफजों लोगोसे जुथाइयै सरकार दानांगौ। गिबि मन्थिया इन्ड्राइल-हमाज दावहानि सायाव सिडाब्लिडसिन थांखिखौ लानानै कंग्रेसखौ सौंखारिदों आरो बेरेखा दोलोनि बिबुंथिखौ पाकिस्तान आरो तालिबानखौ मदत खालामनायनि समान होन्ना फोरमायदोंमोन।

हार्ट एटाकनि जेंनाया लाइमोनफोरनि गेजेराव बांनो हमदों: साभै



गोदान दिल्ली, 14 अक्टबर: मुलुगनाडै हार्ट एटाकजों थेंनायफोरनि अनजिमाया बयनिखुड बांसिन जादों। गिबियाव बे बेरामखौ मोनसे बैसोनि उनावसो सुबुंफोरनि गेजेराव नुनो मोनोमोन, नाथाय आथिखालाव लाइमोन सुबुंफोरनियवबो हार्ट एटाकनि केसआ सोराडव फैंयो। हादत मुलुगनाडैनि बांसिन केसआव लाइमोनफोरा गाव गावनि जिउखौ खोमानादों। बेनि जाहोना गात्रि लाइफस्टाइल, स्मकिं, एल्कहल, स्ट्रेस, स्ट्रेड्ड लानाय बायदिना जानो हागौ। बेबायदि गोबां जाहोनफोर दड;

जाय लाइमोनफोरनि गेजेराव बिखानि बेरामखौ बांनोहोयो। (1) देहानि लिस्थाइ बांनाया गोबां बेरामफोरनि गाहाय जाहोन जायो। जाय सुबुंफोर देहानि लिस्थाइखौ सामलाया बै सुबुंफोरनियव हार्ट एटाकनि जाथावनाया बांसिन जायो। आथिखालनि लाइफस्टाइल आरो जाग्रा आदार जानायनि जाहोनाव गथ'फोरनिफ्राय लानानै लाइमोनफोरनि गेजेराव देहानि लिस्थाइ बांनायखौ नुनो मोनो, जायनि जाहोनाव हार्ट एटाकनि जाथावनाया बाडे। (2) आथिखालनि समाव लाइमोनफोरा जौखौबो गोबां

लोडे, जायनि जाहोनाव बिसोरनि लिभारआ मेजेम जायो। पार्टिफोराव जौ लौनाया गोबां सरसनसा बाथा जादों, जायनि जाहोनाव माखासे सुबुंफोरा जौ लौनायनिफ्राय जानागाराव थाया आरो हार्ट एटाक बायदि बेरामफोरनि मैहुर जायो। (3) गोबां खेब वार्क प्रेशर, पेमिली प्रेशरनि जाहोनाव लाइमोनफोरा स्टेसआव थायो, जायजों गोबां बेरामफोरा जायो। स्ट्रेसजों सुबुंफोरा जानो लौनो हाया, जायनि जाहोनाव हार्ट एटाक बायदि जेंनाफोरा जायो। (4) गोबां खेब खामानिया ओरैबायदि बाडेदि जानो-लौनो समखौनो मोना, जायजों गोबां जेंनाफोरजों भुगिनांगौ जायो, जाय सुबुंफोरनियव खामानिनि प्रेशर थायो, बिसोर थि समाव जाग्रा आदार जानो हानायनि अनगायै थि समाव उन्दुनो आरो एक्सरसाइजबो खालामनो हाया, जायजों हार्ट एटाकनि जेंनाया बाडे।

प्रियंका गान्धीनि हेंथायै बिसायख 'थि आयगनो बिजेपिआ अजदलाइ गथायदों



इन्दौर, 14 अक्टबर: कंग्रेसनि गाहाइ नेहाथारि प्रियंका गान्धीनि हेंथायै बिजेपिआ बिसायख 'थि आयगनो अजदलाइ थिसन्दों। बेयाव बुंदोदि, 12 अक्टबर 2023

आव मप्रके मन्डलायाव जालानाय सरसनसा जथुमायाव कंग्रेसनि गाहाइ नेहाथारि प्रियंका रायखौ साफ्रोमबो फरायसानो दानफ्रोमबो 500-1500 रं होगोन होन्ना लभ दिन्थिदों।

बिथाड बुंदोंमोनदि, राइज्योआव कंग्रेसनि सरकार फैंयोब्ला उफ्रा यजना लाबोगोन। नाथाय बे यजनाया गावआरि एबा प्राइभेट स्कुलफोरनि फरायसाफोरनि थाखाय ना सरकारि स्कुलफोरनि फरायसाफोरनि थाखायल' जागोन बेखौ रोखा खालामाखै होन्नाबो बिजेपिआ अजदलाइ होदों। बेनि अनगायै बुंवावदोंदि रोखा यजना गैयाजासे बेबायदि खोथा होन्नाया भट मोन्नायनि थांखिजों सुबुंफोरखौ लव जाहोनाय जादों। बिसायख 'थि आयगनो अजदलाइखौ बिजेपिनि बागं ल' सेल सिटी कन्भेनर एडभकेट पंकज वाधाबानीआ गथायदों। बिथाड अजदलाइयाव बुंवावदोंदि, प्रियंका गान्धीनि उफ्रा फोसावदिनाय खौराड 13 अक्टबर 2023 नि खौरां बिलाइफोरनि प्रन्ट पेजआवनो सेबखांजादोंमोन। बेयो राइज्योनि भटारफोरनि प्रन्ट रोखोमै लभ जाहोनायनि मोनसे राहा। पाब्लिक रेप्रेजेन्ट एक्ट एन्ड मडेल कड अफ कन्डाक्टनि समाव बे रोखोमनि फोसावदिनाया एबा थोंजोडै रंखाथिथि मुलाम्फा होनो फोसावनाया मडेल कड अफ कन्डाक्टखौ सिफायनाय। अजदलाइयाव प्रियंका गान्धीनि हेंथायै नायबिजिनो दाबि दैखानाय जादों।

गाहाड मन्थि मदिआ भारत आरो श्रीलंकानि गेजेराव फेरि सिबिथाइखौ जागायबाय

गोदान दिल्ली, 14 अक्टूबर: गाहाड मन्थि मदिआ दिने भारत आरो श्रीलंकानि गेजेराव नाव सिबिथाइखौ जागायदों। पिएम मदिनि बुंन्याय बायदिल्ला, जों भारत आरो श्रीलंकानि गेजेराव राजखाथियारि आरो रंखाथियारि सोमोन्दोफोराव मोनसे गोदान हाबाफारिखौ जागायदों। भिडिअ कन्फ्रेंसिअव पिएम मदिआ बुंदोंदि, भारत आरो श्रीलंकानि गेजेराव हारिमु, फालांगि बायदिनि जारिमारि शेरार खालामो आरो आथिखालाव दरै हदतनि रंखाथियारि शेरारबो बांगोन। बे फेरि सिबिथाइखौ नागापट्टिनाम आरो कान्केसनुइनि गेजेराव जागायदों आरो जॉनि सोमोन्दोफोरखौ गोख्रों खालामनायाव मोनसे मख'जाथाव माइल खुन्थिया। बेनि सिगां मिरुआरि दै लामा मन्थि सर्बानन्द सनवालआ तामिलनाडुनि नागापट्टिनाम आरो श्रीलंकानि



कान्केसनुइनि गेजेराव नाव सिबिथाइखौ गोथां फेरिफला दिन्थियो। बेनि गेजेरजों गुबुन हदतआरि मन्थि एस जयशंकरआ बे हाबाफारियाव भाचुंएली बाहागो लायो। पिएमआ गावनि सोमोन्दो लाखिनायाव फोरमायोदि, हादतगिरि भिक्रमसिन्थनि बावयैसोनि दावबायनाय

समाव दरै हदतफोरनि गेजेराव रंखाथि शेरार बांनयनि सायाव गनायथि जादोंमोन। बिथाड बुंदोंदि, कान्केसनुइनि बे शेरारनि मिरुआरि आयदा। कान्केसनुइनि आरि दरै शहरफोरखौ खाथियाव लाबोनायनि सोमोन्दे नडा, बबेखानि दरै हदतफोर आरो सुबुंफोरखौ खाथि सोमोन्दोयाव लाबोयो।

कान्केसनुइनि फालांगि, दावबायनाय आरो सुबुंफोरनि सोमोन्दोफोरखौ बांहोयो। खौरनि बायदिल्ला, श्रीलंका थांनो थाखाय फेरि सिबिथाइनि टिके टखौ सासेयाव 7670 राडै थि खालामनाय जादोंमोन। नागापट्टिनाम शिपिं हारि बिफाननि बिबानगिरिफोरनि गनायनाय बायदिल्ला, दिने बेखेवनायनि थांखि महरै बेनि टिके टखौ 2,800 राडै थि खालामनाय जादोंमोन। आथिखालनि टिके टखौ बेसेनाव 75 जोखोन्दे रेहाय होनाय जादों। बे फेरि सिबिथाइजों 3 घन्टानि गेजेरावनो तामिनाडुनिफ्राय श्रीलंका थांनो हागोन।

गोदान दिल्ली, 14 अक्टूबर : नख'र मन्थि शाहआ रंखाथियारि थांखिफोरखौ मोनफुनो थाखाय सहरारि क-अपारेटिभखौ जौगाखां होनायनि सायाव गोनांथि होदों। बिथाड बुंदों, हादतनि 60 कौटि सुबुंफोरा क-अपारेटिभजों लोब्बा दडा। बिथाड रंखाथि जौगाखांनयाव क-अपारेटिभ बेंकिनि गिदिर बिफाव जागोन। फेगौ 5 बोसोराव मोनसे सहर, मोनसे क-अपारेटिभ बेंकखौ गाइसननायनि सायाव गोनांथि होदों। अमित शाहआ गोदान दिल्लीनि भरत मन्डपमआव सहरारि क-अपारेटिभ बेंकफोर आरो रइज्यो संघफोरनि मेगा जथुम्माखौ सोमोन्दो



लाखिगासिनो दडमोन। बेनि थांखिया सहरारि क-अपारेटिभ (इउसिबि) नि सिगाडाव नुजाथिनाय सेलेन्सफोरखौ साबसांहोदों। बे समाव सहरारि क-अपारेटिभफोरनि थाखाय इउअ बानायनायनि सायाव गनायथि जाहोदों, जाय आरबिआइनि बेंखनाव नेम-खाथि दागा फसंथान महरै खामानि मावगोन।

आम्ब्रेला फसंथान (इउअ) आ क-अपारेटिभ बेंकफोरखौ टेकनिक सामलायनाय एवा फान्डनि सायाव बिथा खालामना हेफाजाव होनायाव मख'जाथाव बिफाव लागोन। मिरुआरि मन्थि क-अपारेटिभ बेंकफोरनो थांखि होदोंदि, फेगौ 5 बोसोराव गावसोरनि जमा रंखौ दिनेनि 5.5 लाख

कौटि रंनिफ्राय 2 गुण खालामनानै 11 लाख कौटि रं खालामनायनि गोनांथि दड। इयुनिखौ फुवारनो थाखाय फालांगियारि नायबिजिरांगौ। फालांगियारि बेंकफोर बायदिनो क-अपारेटिभ बर्ड दानाय जागोन। हादतआव गासै 1 खावसे सहरारि क-अपारेटिभ बेंक दड, जेराव 8.60 कौटि निखुइ बांसिन जमा जायो। आथिखालाव बे गासै बेंकफोर गुबुन-गुबुन रोखोमनि जेंनाफोरजों भुगिनांगासिनो दडमोन। नाथाय क-अपारेटिभ मावख' दानायनि उनाव सोलायनायखौ नुनो मोनगासिनो दड।

कानाडायाव अक्टूबर दानआव गं 3 हिन्दु मन्दिरफोरखौ बुफाय-बुसि खालामनाय जादों

टन्ट, 14 अक्टूबर : बे दाननि जागायजेन्नायाव अन्टारिय राइज्योआव गं 3 हिन्दु मन्दिरफोराव बुफाय-बुसि खालामनाय जादों। काडाननि पुलिसआ बुंदोंदि, गावसोर सन्देह' गोनां सुबुंफोरखौ नागिरदों। दरहम पुलिसआ मोनसे बिबुंथियाव बुंदोंदि, पिकरि आरो अजाक्स सहरफोराव 8 अक्टूबरखालि फुंनि समाव माखासे घन्टानि गेजेरावनो गासैबो सिखाव खावनाय जाथाया जादों। पुलिसनि बायदिल्ला, बेवहाय दोन्याय सिंसिटिभिनि पुटेजआव जाय सन्देह' गोनां सुबुंखौ लेंग्रायै थाबायनाय नुनो मोन्दों, बिनि गोजौआ 5 फुट 9 इन्सि आरो बिनि लिरथाया 200 पाउन्ट। दाननिगिरिखौ निला गाबनि सार्जिकेल मास्क, हुडि बायदि जेकेट, केम' कार्ग पेन्ट आरो



गोथां गाबनि रानि जुता गान्नाय नुनो मोन्दों। पुलिसआ बुंदों, 8 अक्टूबरखालि 12:45 रिंगायाव बिबानगिरिफोरा

पिकरिआव बेलि स्ट्रट आरो क्रस्' बुलेवार्डनि ओन्सोलाव मोनसे धोरमारि मन्दिरआव बुफाय-बुसि आरो हाबनायनि

रिपर्टआव फिनजाथाइ होदों। पुटेजआव सासे सुबुंखौ मन्दिरआव हाबनाय आरो दान होग्रा बागसुनिफ्राय गोबां रं

लानाय नुनो मोन्दों। पुलिस सौहेनायनि सिगांनो बियो ओन्सोलायनिफ्राय खारदों। दसे समनि उनाव 1.30 रिंगायाव पुलिसआ ब्रक रड आरो डर्सन स्ट्रटनि ओन्सोलाव पिकरिनि गंसे गुबुन मन्दिरआव बुफाय-बुसि खालामनाय आरो हाबखोमानायनि रिपर्टआव फिनजाथाइ होदों। मन्दिरआव थाग्रा सुबुंआ फोरमायदोंदि, सासे सुबुंआ खोरखिखौ सिफायदों आरो लखारखौ खावनो नाजायो, जेराव दान होनायनि रंफोर दडमोन। नाथाय दाननिगिरिया लांनो हायाखै आरो पुलिस फेनायनि सिगांनो खारो।

माइक्रसफ्ट इडज इउजारफोरा इउटुब ब्राउज खालामनायाव जेंना जानादों



गोदान दिल्ली, 14 अक्टूबर: गुगलआ माखासे स्ट्रिक्ट ट्रेकिं प्रटेक्सन मद एक्टिभ गोनां माइक्रसफ्ट इडज इउजारफोरखौ इउटुब भिडिअ नायनायखौ हबोथादों। स्ट्रिक्ट ट्रेकिं प्रटेक्सन मदआ एडर्भाइजफोरखौ ब्लक खालामना दोनो। उइन्दस लेटेजनि मोनसे रिपर्टनि बायदिल्ला, गुगलआ एप लकारफोरनि सायाव गोख्रों नोजोर लाखिनो नाजानायनि गेजेरजों

बे थांखिखौ लादों, जाय कम्पनीफोरा एडर्भाइजनिफ्राय टेक्स बोखानायखौ होबथायो। रिपर्टनि बायदिल्ला, गुगलआ माइक्रसफ्ट इडज इउजारफोरखौ स्ट्रिक्ट ट्रेकिं प्रटेक्सन मद एक्टिभ खालामनायखौ गोहोम गोनाडै होबथानो नागिरदों। मानोना गुगलनि बायदिल्ला, एड

ब्लकारआ इउटुबनि सिबिथाइ होनायनि सर्धफोरखौ सिमफनयनाय जायो। बे मद एक्टिभ गोनां माइक्रसफ्ट इडज इउजारआ इउटुब भिडिअ नायनायाव जेंना जानो हागौ। बिबदि जेंना सोमजियोब्ला, प्रटेक्सन मदखौ बन्द खालामनानै एवा बबेबा गुबुन ब्राउजारआव सुइज खालामनानै बे जेंनाखौ मोजां खालामनो हायो। गुगलनि गावयारि इउटुब मबाइल एन्ड्रयड एपआव मोनसे रि-डिजाइनखौ टेस्ट खालामदों। गोदान रिपर्टनि बायदिल्ला, गुगलआ इउटुब एपआव गाहायाव नुनो मोन्याय लाइब्रेरी टेपखौ बोखारनो थियारि खालामदों। कम्पनीआ बेखौ गोदान इउटेपआव सोलायनो थांखि लादों।

गोदान दिल्ली, 14 अक्टूबर: इज्राइल आरो फिलिस्टाइन गेजेराव सोलिबाय थानाय दावहानि गेजेराव 13 अक्टूबरखालि जम्मु-काश्मीरआव फिलिस्टाइनफोरखौ मदद होनानै गोख्रोंडे धर्ना होयो। जुमेनि नामाज खालामखानायनि उनाव बहगामआव गोबां सुबुंफोरा धर्नायाव बाहागो लायो। बे समाव आमेरिका आरो इज्राइलनि हेँथायै स्लगान होयो। बेनि भिडिअबो ससेल मिडियाआव भाइरेल जादों, जेराव धर्ना होग्राफोरखौ "इज्राइल मुर्दाबाद, नारा-ए-तकबीर.... आल्लाह हु अक्बर" बायदि स्लगान खोनानो मोन्दों। धर्ना होग्राफोरनि आखायाव पस्टर लानायफोराव फिलीस्टाइनखौ हेफाजाव होनाय आरो इज्राइल-आमेरिकानि बेरेखायै स्लगान

फिलिस्टाइनखौ हेफाजाव होना जम्मु-काश्मीरआव आमेरिका-इज्राइल मुर्दाबाद स्लगान होदों

गोदान दिल्ली, 14 अक्टूबर: इज्राइल आरो फिलिस्टाइन गेजेराव सोलिबाय थानाय दावहानि गेजेराव 13 अक्टूबरखालि जम्मु-काश्मीरआव फिलिस्टाइनफोरखौ मदद होनानै गोख्रोंडे धर्ना होयो। जुमेनि नामाज खालामखानायनि उनाव बहगामआव गोबां सुबुंफोरा धर्नायाव बाहागो लायो। बे समाव आमेरिका आरो इज्राइलनि हेँथायै स्लगान होयो। बेनि भिडिअबो ससेल मिडियाआव भाइरेल जादों, जेराव धर्ना होग्राफोरखौ "इज्राइल मुर्दाबाद, नारा-ए-तकबीर.... आल्लाह हु अक्बर" बायदि स्लगान खोनानो मोन्दों। धर्ना होग्राफोरनि आखायाव पस्टर लानायफोराव फिलीस्टाइनखौ हेफाजाव होनाय आरो इज्राइल-आमेरिकानि बेरेखायै स्लगान



लिरनाय दंमोन। माखासे पस्टरआव "फिलिस्टाइन आरो गाजायाव जॉनि फंबाय-बिनानावफोरखौ रैखा खालाम" होना लिरनायबो दंमोन। बेनि सिगां थांन्याय 9 अक्टूबरआव आलिगद् मुस्लिम इउनिभासिटिनि फरायसाफोरा फिलिस्टाइनजों लोगोसे लानानै रेलि खालामदों मोन। केम्पासनिफ्राय जागायजेनाय बे रेलियाव सा 400 फरायसाफोरा बाहागो लादोंमोन। बेयाव फ्रि-फिलीस्टाइन, नारा-ए-तकबीर.... आल्लाह हु आकबर, ला इलाह इल

आल्लाह बायदि स्लगान होदों। पुलिसआ बे सानाव आरो धर्नानि समाव नामाज फरायनाय सा 14 सुबुंफोरनि सायाव एफआइआर थिसनो। फरायसाफोरा फिलिस्टाइनखौ उदां खालामनांगो होना दाबि देखदों। बैयाव इनाय-अनागार

सोलिगासिनो होनानै उदांखि बिनानायबो फिलिस्टाइननो उदांखि होयाखै। आलिगद् मुस्लिम इउनिभासिटिआ लोगोआव थाफागोन होनाबो फरायसाफोरा बुडो। धर्नायाव बाहागो लानाय फरायसाफोरा गुबुन गुबुन कर्चनिमोन।

वेस्ट बेंकआव इज्राइलनि सांन्थिफोरा हमासनि सा 230 उतरखारिफोरखौ हमतों

तेल आबिब, 14 अक्टूबर: इज्राइलआ वेस्ट बेंकआव गिदिर एक्सन लानायनि उनाव हमासनि सा 230 उतरखारिफोरखौ हमतों। वेस्ट बेंक आरो गाजाजों लोगोसे माखासे जायगाफोराव हमासनि हेँथायै सांन्थिनि नायबिजिरालया सोलिगासिनो दड। इज्राइल आरो हमासनि गेजेराव सोलिबाय थानाय दावहानि गिदिर आपडेटआ बेनोदि, इज्राइलनि 24 घन्टानि आल्टीमेटआ जोबना थांबाय। उतरखारिफोरनि ओन्सोलाव आइडिएफआ सिग्रोमदों। बे दावहायाव इज्राइलनि सा 1300 सुबुंफोरनि जिउ गोमाखांबाय। हमासनि गाग्लोबनायाव सा 11 इउक्रेनारिफोरबो जिउ गोमायो। बेयाव माखासे आमेरिकानि नोगोरारिफोर गोमानायनि खौरं मोन्दों। हमासआ सा 120 निखुइ बांसिन सुबुंफोरखौ बेंखना लाखिदों। फार्सैथि, इज्राइलआ गुफुर फरफरास सारनायनि दाय

जाबसिन्यायखौ गोरैन्थि होना फोरमायदों। बेरा फार्से वेस्ट बेंकआव हमास उतरखारिफोरखौ ग्रेप्टर खालामो। गाजानि लैथोमायारि बोरिनि सायावबो इज्राइलआ गाग्लोबदों। इज्राइलआ सा गाजानि देहा फाहामसालिखौ खालि खालामनायनि संग्रान्थि होदों। खौरनि बायदिल्ला, गाजायाव इज्राइलनि टेंकआ हाबखांबाय। बेयाव उतरखारिफोरनि केम्पफोरव रेड खालामनाया सोलिगासिनो दड। हमासआ इज्राइलनि गाग्लोबनायाव सा 70 सुबुंफोरनि जिउ ख'हा जानायनि दाय जाबसिन्दों। गाजानिफ्राय सुबुंफोर खारिगासिनो दडा बेयाव रेजा-रेजा सुबुंफोर न'नागाबाय। बेनि अनागायैनेबल्सआव हमासनि सानै कमान्दरआ हमाजाबाय आरो वेस्ट बेंकआवबो इज्राइलनि सांन्थिनि एक्सनआ सोलिगासिनो दड।

गोदान दिल्ली, 14 अक्टूबर: सोमोनांथाव बाथ्रादि, सासे सुबुंआ हिन्जावफोरनि राइदावनाय एवा बिसोरनिफ्राय जानगाराव थानो थाखाय 16 बोसोर बैसोनिफ्रायनो गावखौ गावनि न'आव जोबथेना लाखिदों। बियो गावनि न'नि सोरगिदि 15 फुट गोजौ वाल होनानैबो लादों, जाहाथे रावबो सिडाव हाबनो हाया। बि सुबुंआ आइजो एवा हिन्जाव माहारिखौनो ओरैबायदि गिखाडोदि, बियो 55 बोसोर सिगाडाव गावखौनो-गाव गावनि न'आव जोबथेनानै थादों। आथिखालाव बे सुबुंआ 71 बोसोरनि जाबाय। इन्टरनेसनेल मिडिया रिपर्टनि बायदिल्ला, रभान्डानि केलिटेक्स मजामभिता मुनि सुबुंआ आइजोफोरनिफ्राय जानगाराव थानो एवा



आइजोफोरनि जंखायनाय, राइदावनाय बायदिनिफ्राय जानगाराव थानो थाखाय 16 बोसोर बैसोआवनो गावनि न'निफ्राय बाइजोआव ओंखारनायखौ बन्द खालामदों। बावैसो सिगाडाव केलिटेक्सआ फोरमायदोंदि, गाव मानि थाखाय गिखांदों ? बेखौबो

न'सिडाव जेल्नायबो थाबाय थादों आरो न'नि सोरगिदि गोजौ वाल होनानै लादों। बियो गावनि साखाथियाव सोरबा आइजोखौ फैजानो जोबोद गियो। मानि जाहोनाव हिन्जाव माहारिखौ बियो गिखांदों ? बेखौबो

केलिटेक्सआ मिबथिहोदों। बियो मिबथिहोनाय बायदिल्ला, गाव गायनफबिया मुनि बेरामजों नाखेबजानाय। बे बेरामाव गोरलैयोब्ला, भुगिनांन्याय सुबुंआ जुदि आइजोफोरनि बागै माबा मोनसे सान्नानै लायोब्ला बिनियाव गोबां गिखांन्याय आरो बिसोरनि फार्से जिंगा सिनाया सोमजियो। गायनफबिया जायोब्ला पेनिट एटाक, बिखा सिखेबनाय, गोबां गोलोमदै ओंखारनाय, बिखाया जोबोद गोखैयै मावखांन्याय आरो हां लानायाव जेंना सोमजिन्याय बायदि लोक्षोनफोरा नुजाथियो।

खोला केलिफर्नियानि बुयेना पार्कआव एमनिया लिग जानायजों गोबां सुबुंफोरा जेंनायाव गोरलैदों

बुयेना पार्क: खोला केलिफर्नियानि बुयेना पार्कआव शुकुरार फुंनि समाव मोनसे गिदिर जाब्रबथाइ जायो। बेयावनि गंसे फालांगियारि बिल्डिंआव एमनिया लिग जानानै सा 11 सुबुंफोरनि देहाया गोब्राव थासाथियाव गोरलैयो। बिसोरखौ देहा फाहामसालियाव थिसन्ना फाहामथाय होनाय जायो। अदेबानि गेस लिग जाब्रबथायाव रावनिबो जिउ ख'हा जानायनि खौरं मोन्याय जायाखै। अरेन्ज काउन्टि फायार अट'रिटिनि बिबानगिरिफोरा मिबथिहोनाय बायदिल्ला, बुयेना पार्कनि गंसे फालांगियारि बिल्डिंआव फुंनि 9:15 रिंगासो समाव एमनिया

लिग जानायनि खौरंखौ खौराडव मिबथिनो मोन्दों। फायार अट'रिटिआ जाब्रबथायनि गुबै जाहोनखौ बिल्डिंआव थानाय सुबुंफोरखौ बाइजोआव लाबोनायनि हाबाफारि मावनाय जायो। अदेबानि बेयाव एमनिया लिग जानायनि जाहोनाव सा 23 सुबुंफोरनाव गोहोम गोरलैदोंमोन। बिसोरनि गेजेराव सा 12 नि देहायारि थासाथिया सयसनसायाव फैबाय आरो सा 12 नि थासाथिया गोब्राव होना

संदान्नो जागायबाय होना मिबथि होयो। मख'जाथावदि, बाहावायाव एमनियाआ गोबां गोसरोब्ला आरो जॉनि देहाया बेनि सोमोन्दोआव फेयोब्ला बिगुर, मेगन, गारामा आरो समप्ल'आव आलोनाय मोनो। लोगोसेनो गोबां गुजुयो।



रडिया डिभिजनआव इन्जिनियारिनि खामानिफोर
 टेलर नयिस नं.: 74-इन्जिनियर-आरएनए-2023-241
 अक्टू. 12-10-2023 | गाहाय मख'नाय खामानिनि थाखाय
 मुंबागिनिआ इ-टेन्डर संघारखौ 'खामानिनि सूत्र' फोरमायथि:
 एडिप्लेग/गहालाय उदनि सिखाव थानाय निउ बडगाना-
 गहालाय उदन्खौ रेखिथि होनानि खामानि। टेन्डरनि बेसिन:
 2,24,54,107.05 रं. अंशिम रं: 2,62,300 | टेन्डर
 फोर्जीबनायनि सम आरो अक्टू. 06-11-2023 नि 15:00
 निन आरो टेन्डर कागजकनि सम 15:30 नि। आइडि मिबथिनि
 थाखाय: <http://www.ireps.gov.in> वेबसाइटकनि
 नाकनो क्लिक।

नभेम्बर आरो डिसेम्बर/2023 दानआव इ-निलामनि प्रगाम
 डिप्टि सिपिएएम/डि/निउ बडगानाव ओन्सोलाव थानाय रेखेनि गोलेसोनै थानायफोरखौ फानायनि
 थाखाय इ-निलामनि हाबाफारि लानाय जादों। एनएफ रेलवेआ 7-11-2023, 15-11-2023,
 24-11-2023 आरो 05-12-2023, 15-12-2023 आरो 27-12-2023 आव थि सम
 खानाने होदों।
 गोसो गुडु बाइदासफोरा इ-निलामनि गेजेरजों आइआरएडिएस वेबसाइट
www.ireps.gov.in आव नायनो हागोन।
 डिप्टि चिफ मेटेरियेल मेनेजर/डि/
 निउ बडगानाव
सा-सान्जा सिमना रेलवे
 मिनिस्त्रनायजों ग्राहकफोरनि सिबिथाइ

माहारियारि फिरफिलाया जियोब्ला एबा बाहायजायै जायोब्ला मा खालामनाय जायो मिबथिगौ ना ?

भारत हादतआव बोसोरफ्रोमबो 15 आगस्टखौ उदांसि सान महरै फालिनाय जायो। बोसोरफ्रोमबो बे सानखौ हादतनाडे दोहौ गोनाडे फालिनाय जायो। 1947 नि 15 आगस्टआव जौनि हादतआ इराजफोरनिफ्राय उदांसि मोन्दोमोन। भारत बिमानि गोबां बीर जोहोलाव फिसाफोरा जोनोम हादतनि थाखाय जिउ बाउलादो। बे साना उदांसि सान्थिफोरनि बाउसोमनायखौ गोसो खानायनि सान होन्नाबो बुंजायो। लालकिल्लानि प्राचिरआव बिरहोजानाय

मोनथाम गाबनि जौनि फिरफिलाया हादतनि मान आरो गोग्गानायनि नेसोन। गिबि खेब भारतनि फिरफिलाखौ कलकातानि पारसि बागान स्कु यारआव 1906 आव बिरहोजेन्नाय जादोमोन। बे फिरफिलायाव धोरोमारि दिन्थिसिन बानायनाय दंमोन आरो मोन 8 गुलाबनि सावगारि दंमोन, जेराव बन्दे मातरम लिरनाय दंमोन। भारतआ उदांसि मोनजासिमाव भारत आरो पाकिस्ताननि गेजेराव गावसानाय एबा सिमना थि खालामनाय गैयामोन। हादतआ उदांसि मोननायनि उनाव 17

आगस्ट, 1947 आव रेडक्लिप लाइनखौ फोसावनायजो लोगोसेनो जौनि हादतआ भारत आरो पाकिस्तान दरै हादतआव गावसायो। 2002 नि सिगां भारतनि सरसनस्त्रा नोगोरारिफोर उदांसि सान आरो सुबुंखाथि साननि अनगायै गुबुन सानफोराव माहारियारि फिरफिलाखौ बिरहोनायनि गनायथि गैयामोन। सुप्रिम कर्टआ 2002 माइथायाव फ्लेग कर्टआव माखासे सोलायनाय लाबोयो आरो बेनिफ्रायनो सरसनस्त्रा सुबुंफोराबो फिरफिलाखौ बिरहोनायनि गनायथि मोनो। माहारियारि

फिरफिलाखौ बिरहोनायनिफ्राय बोख्खायनायनि उनाव गोबां जोथोनै लाखिनाय जायो आरो बे समाव माखासे नेमखाथिफोरबो फालिनाय जायो। नाथाय सानो गोनां बाश्रादि, माब्लाबा समाव फिरफिलाया जियोब्ला बेखौ मा खालामो? बेबायदि जेना जायोब्ला फिरफिलाखौ नेमखाथिनि गेजेरजो हायाव फबनो हायो एबा अर सावनानै जोबथा बिदाय होनो हायो। जेब्ला बिब्द खालामनाय जायो, अब्ला बयबो सिरिये थानानै मान होनाय जायो।

रंजालि गथ'फोरनि सौरा

उदांसि आबिरा गोमोरलाहां

रिउ रिउ बै गोदान फैसालिआव जारां सुदेम रैसुमै गावदां ददरे खैना गोदान सारफावनाय आबिर गाव फावदुर खावलायाव लानानै मिनिजि आनि लांगोनायाव नुजाफैदोमोन।

खैनानि गोदान आबिर सारफावनाय रंजाखांदोमोन आनि नखरनि गासैबो रंजाखांदोमोन दाउब' बासिनाय बे देरायाव रावबो मिथिस' हायाखै बे रंजानाया बेसेबां सैथो बेसे गोबाव।

संगलि बारमोदाइ सिमब्रे-सिमब्रा गावदां खाफालनि गोजा आबिरखौ हाद्रि फोनांबाय, रंजानायनि दोहौआ सिरिजाहाद मानोबा थाद'बाय रेगा गारलानाय बर' बिमाया दिने आनि नख'रआव फिन आरोबाव ?

सानसि आरो सौंथि गोसो बुंजासे हां सरथेलायनाय, उदांसि मोनबाय उदांसि मोनबाय खुसिजो बिरहांदोमोन रंजा रंजा बिरलानाय दाउमैनानि आथिडव दाबोनो गोरा दिहं।

हब्रा हब्रा गावखावदोमोन अबोला मोनदोमोन उदां - नाथाय फानजारनि सिडव आरोबाव हज्रिखाव हज्रिखाव उदांसि नायगिरदोमोन दिने मोनबाय, नाथाय आनि आर्थिआव जिनजनि गोरा दोलें।

फुबिलिनि आबिर लाना गेलेफेनाय खैनाया साइराब गोसोजो सोनाब फारसे हाथिलानाया आंजो रायजलाया लासे, आनि उदांसिआव दं दाबोनो गिथावना मोनसे फिथिखानि आबिर आनि उदांसिनि आबिरा दिने सान हाबस्ताबैयावनो गोमोरलाहां।

गलाप खुंगुर बसुमतारि कक्राझार

जिउनि थांखि

मा जाखो दिने ! मामोन आनि जिउनि थांखिया ; बबाव मा जालांजोबखो दिने आनि जिउनि थांखिया ? जेब्ला गोदो उन्दै समाव आइ आ सोडोमोन आंखौ , बाबा नौना जिउनि थांखि आ मा ? अब्ला आं गावनो गोग्गाना बुडेमोन , आइयै आं गिदिर फराइना गोरों गोरा जाना डक्टर, इन्जिनियार जागोन । नाथाइ दा मा जाजुबखो ? बबाव आन्दाइखो आं दिने , बबाव गोमाखो आनि बै गोदो आयनि सिगाडव बुंना लानाय थांखिफोरा ; आन्दाय नांवाय आं दिने गुबुननि बुंनाय बाश्राफोरखौ सैथो सानना मावफुंनो नाजायै नाजायै । दिने फेलें जाजोबबाय आनि आइनि सिगाडव बुंना लानाय गोदें गोदें थांखिफोरा ।

रुबुं बर' तामुलपुर

सिखि

सिखि नों मा एसे समायन मा एसे रमायना । नोंनि बे महर मुश्रीखौ नुनानै..... । आं गोसोबाय नुआखैमोन । आं रावखौबो नाथाय आनि बे बिबार बारि आव हासिडै ? सिखि गेवलां गेवथां गलाब बिबाराव, बाबाथाय नों बेसे समायो..... । नोंनि बे गाबआ गोजा, गोसोम, गोमो, गुफुर, मा एसे समायना नों सिखि । नों आनि सानफ्रोमनि दुखु सुखुखौ..... । नोंखौ आनि जिउनि लोगो; नों दिनेनिफ्राय आंखौ लोगो साननानै लादो । बे बिबार बारि आव सानफ्रोमबो बाफैबाय था, आनि दुखु सुखुखौ सुपलाय होफै ।

मिच प्रथिमा राणि ब्रह्म जोमा बड़ फरायसालि

टेपूकटिस खन्थाइ

औ आदा थारैनो अखां बादि जाजोब हाया जों सुबुनि गोरबो

नों सुबुं समाजनि मोजां मावबा अनथाइ जिउ बादि जानानै थागोन

नों धोरुम सिबिबा मोननो हागोन अर्बनि थावनियाव आइयांमासि

बै गावदां बाजैनि हौवायालाय मानो बिदि जाखो अमा बुदां

रैदोम बर' माजदिया, बगुलामारि, बाक्सा

गोरबोनि राव आरो सानसि

रावफोरा गुस्थि फेनखुमाना थायो सानसिफोरा गोथै महरै लामा थाबायो बुब्लिनि बिथोनलाइ खाव जाया जायो

उदांनि सानसि बिलिरनायाव मोखां सायर' जाना गांखोफोरा बायग्र'बनाय महरै थावरिना थानो थावनि नागिरना मोना ,

गोर्बोनि सानसि बिलिरनाय हावासि लामानि दरखंआव थाबायनाय सुबुंथिनि होंगो-दोंगो स्रां जाहोयो खोमसि गोरबो

नाथाय ! रावफोरादि गोरबोआव बबि जाना दं आरो सानसिफोरादि बुथुवा जालादों बेनि मोन्दाथि नागिरनायाव आदि दिने बे सोहोराव थाबायनादों गोरबोनि राव आरो सानसि महर होनो हांखुर जाना !

अन्जालि सर्गियारी बाक्सा


सिमां

मैयानि हराव आदि मा सिमां नुदोमोन, मैया मैया बुंसनोनो हाया । सानजा फैसालियाव ओंखारबोनाय फुबिलिनि गोरलै जारो सानखौ नुनानै आनि गोरबो बिखायादि मानो एसेबां मुहिहाबदों आं मानोबा एसेबो हमदां हायाखैमोन । आं सानदोमोन बिनो आनि जीउ गंसे जायराब देरायाव बिजोनों आलो गोजोन संसारा जाफुसारगोन । नाथाय जेब्ला सानजौ फुनि दुंसारनायाव मोदोमफुबाय बुहुमाव फोथारथि गैयै बिसआ हाप्रानि जुनारफ्रा थाखुमाबाय दंफां बिलाइयाव जरासे फारौआ गाब्बाय लैथो बिखायाव, मुश्री गैयै आयनि मिनिस्तुनायाबो लांसुनियाफोरनि फानदायनायाव जानांबाय दिने जिनाहारि ! हतसुरिया बिमानि अगियान फिसा नों बुंलांबाय आंखौ बेलासि बुब्लिया अब्ला ? थै गैयै देहाखौ लानानै नाजादोमोन आं लोगो हमथारगोन जोबथा फैसालियाव । नाथाइ, गुस्थियाव जारो मिनिनायजों खोमसि गोसोयै बुंलांबायल' बियो, अनजालु नोंनि सिमाड, सिगांआवनो थाथोंदे गुबुननो दाफोरमाय

जालाउ बसुमतारि गामि- रनछाइधाम गामि- रनछाइधारा जिला- चिरां, बि टि सि

बेफोर हादतआव सासेबो भारतीयफोर थाहैया, मिबथिनो गोनां बेनि जाहोन

मुलुगनि गासैबो हादतफोरवनो बाडइ एबा गोबां अन्जमायाव भारतीयफोरखौ नुनो मोनो। बेनि आन्देआव गोबां जाहोनफोर दड। माखासे सुबुंफोर रं आरजिनयनि थाखाय मोजां साखि नागिरनानै गुबुन हादतआव थाडे आरो बेयावनो संसार जायो। फारसैथिं माखासे सुबुंफोरा फालांगिनि जाहोनाव गुबुन हादतनि जानानै थाहैयो। नाथाय माखासे हादतफोरबो दड, जेराव सासेबो भारतीयफोरखौ मोनो थाड। बेनि जाहोनाव जोबोद मख'जाथाव। मुलुगआव दरखै हादतफोर दड, जेराव भारतीयफोरा दावबायनो थाडे नाथाय बैयावनि नोगोरारि जानानै दासिमबो सासेबो थायाखै। वेराफारसैथिं दर 195 हादतफोरगव भारतीयफोरखौ नोगोरारि जानानै थाहैनाय नुनो मोनो। बेफोर हादतनि बबेयावबा गोबांथार आरो बबेयावबा जोबोद खम भारतीयफोर थाहैनाय दड।



सासेबो भारतीयफोर गैयै हादतफोरनो जाबाय-
1. **बुलगायारिया:** बुलगायारियाआव भारतीयफोरा सोलौंथाइ लानो थाडे, नाथाय अब्लाबो अरायनि थाखाय सासेबो भारतीयफोरा बैयाव थाबोयाखै। बेयावनि बांसिन सुबुंफोरनो क्रिष्टियान। बुलगायारियाआ इउरपनि दरसे हादत।
2. **सेन मरिन:** टुरिस्ट एबा

दावबायारि महरै बे हादतआवबो भारतीयफोरा दावबायहैयो। नाथाय दासिमावबो सासेबो भारतीय सुबुंआ बैयाव अरायथा एबा नोगोरारि महरै थाहैनाय गैया। बे हादतआबो इउरपनिनो बाहागो। बे हादतनि मख'जाथाव बाश्राया जादों, बेयाव मोनफ्रोम 6 दानआव सरकार सोलायो।
3. **तुबालु:** अस्ट्रैलियानि सा-

सान्जा बाहागोआव थानाय बेयो प्रसान्त लैथोमानि दरसे हादत। बे हादतनि गासै गोलावआ 8 कि:मि:ल' आरो बेयावबो सासेबो भारतीयखौ नुनो मोननाय जाया। दावबायनो थाखाय थाडेब्लाबो सासेबो भारतीयआ बेयाव अरायथा महरै थाहैयाखै। बांग्रि एबा सुनामि फैनायनि नोजैरै नायोब्ला तुबालुआ बैफोर खैफोद फैथाव सन्देह गोनां थाखोआव गोलेयो।
4. **भिटिकान सिटि:** बेयाव पप आरो के थलिक धोरामनि सुबुंफोर थायो। नाथाय सासेबो भारतीयफोरखौ बेयाव अरायथा महरै संसार जाहैनाय एबा नोगोरारि जाहैनाय नुनो मोना। मुलुगनि बयनिखुइबो फि सासिन हादतफोरनि गेजेराव भिटिकान सिटिआ दरसे। बेखौ क्रि ष्टियान समाजनि गोथार हादत होन्नानै गनायनाय जायो।



अनजुलि रजे

अनदोमोन नों रजे सिबिदोमोन नों दिने..... ॥ मानि थाखाय माखौ लाना, मा सानानै, गोबोयाव दावदाव दोनलांखो; बुजि मोना-मोना हमस'नो हाया, हमदां हाया उदां जीउयाव खालामलांबाय नों; दाहा गलांबाय बायफलेनाय गैयै संसाराव । नोंनि सिबिनाय, नोंनि फोथायनाय बोजोबदोमोन आं रजे; दिने..... !! मानो नाजाव दिया आनि अन्नाय । मिथिबाय रजे; बेफोर सम आरो मुगानि भावथिना गोबो बिखाया गावलांबाय बायफलेलांबाय गोबो गोसोया नंखाय जीउनि दिडि जावलांनायाव मिथिबाय, बे नंखाय मोजां मोननायनि गेजेरजों गोसो गोबो जीउ सोलेरा बायफलेलांबाय देहा सोलेरा लोरबां जालांबाय गोसोनि मिजिया लैथोयाव दोबैलांबाय गोजावलांबाय रजेया बुर्लु बुथुराव जानांबाय आ गोदाव सोराव ।

उतजल ब्रह्म

सोदोमसि

नोंनो गिबि आनि मेगननि नोजोराव मुड नोंनि जैरै सोदोमसि महरा नोंनि नायबाय थाथावथाव बारफुनाय गलाप बिबार बायदि । लोगो मोनजेननाय समाव खसायधाम महालया फुजायाव गोसो मारैबा हरखाब मोजां मोनबाय नोंनि समायना महरखौ नुनानै। बावनो नाजाब्लाबो बावनो हाया नोंनि समायना महरआ बिखाया खलाब मोनखाडे नोंखौ गोसो खाना गोसो गोबो गुसु मेलेमाव । गलाप बिबारनि महर देरफुनाय नों सोदोमसि खावलाया नोंनि जारो रौ बेनो बोनानै लाडे गोरबोखौ अनजालि गोथार गोसोनि फोथायसुलि । लोगो मोनोब्ला सानो रायदावनो हमथाना थाफिनो गोसोआ गोसोआवनो थाफिनो खुगानि राव । फोजोब होबाय नों नोंनि गोबोनि गोथौ मिजिकखौ

मुसि आगष्ट नार्जरी गामि-थाकथारा जिला- चिरां ,बि टि सि

- हेमेन्त कुमार मुसाहारी

जौनि हादरनि आबहावा आरो जौ

मानषिया समाज दानानै थायो। समाजाव थानाय नेमखान्थि, आफाद, हरिमु-सोदोमश्री, फोरबो फालिथाय, षसर-खान्थि, खोथा-बाभ्रा आरि लोगो नानानै सोमजिहोनाय आबहावायानो जादौं समाजारि आबहावा। मानषिया खौसे जानानै आबुधि गोनो आरो रेखाथि गोनो जिउ खुंबोला समाजारि आबहावाणि गोनो।

बुहुमनि बार, दै हास ग्रह' हाथखिं, सान दैसा, दंग-जाम्फै, हाजो-हाला बायदजि जिउ गैयै बेसादफोर आरो सान्दु, बार, अखा आरि मिथिंगायारीनि जाथायफोरानो जर आबहावाखौ सोमजिहोदो।

जौनि सोरगिदिं थानाय बिफां लाइफां बेन्दो-बेन्ला, जिब-जुनार, दाउलिन-दाउला आरो एम्फ्रो-एनला आरिया लोगो नानानै जिबारि आबहावाखौ सोमजिहोदो।

हायाव गारनाय खायफा बेसादआ थाब सेउनानै हाजौं गोरोब लाडो। खायफाया सेवनानै हाजौं गोरोबलानो गोबाव सम नांगो। एरैबायदिं खायफा बेसादबो दं जायफोर माब्लाबाबो हायाव गोरोबलाडा। हायाव गोरोब लानाय एबा गोरोबलाडे बेसाद माकासेया हाखौ गात्रिं खालामो। बेखौनो आबहावा गात्रिं जानाय होनजायो। बिन्खायनो गामि, सोहोर, नोगोर गात्रिं जानाय जाबोरनिफ्राय उदो खालामनांगौ। आबहावा गोगो खालामनानै बेराम गैयै जिउ खुंनंगौ।

जौ बाहायग्रा एबा लोंग्रा दैया माबोरै मेला जायो बेखौ मिथिनायाबो गाहाम। जौनि जायगानि आबहावा दै मैला जाहोग्रा फोरखौ सिनायनानै होबथानायनि राहा खालामनायासो गोनोथार जानानै फैदो। मानोना नुनायाव गोगोब्लाबो दैया लोंजाथाव जायोबो जानो हागौ। बायदिं फुंखानिफ्राय लाबोनाय दैया रोखोमनि जिउसा

गोरोबना थानो हागौ। जायनि जाउनाव जौनि सोलेराव बायदिसिना बेराम जानो हागौ।

बेफोरबादि जेंनाखौ लानानै साग्रांथि जानो हानाय जौं साफ्रोमनिबो माडनो हाब। मानषिनि थाखाय जिबारि आबहावा आरो समाजारि आबहावाणि गोनोथिखौ सानखानानै -“आबहावाजौं नाजावफानाय माखासे मख'जाथाव सानफोरखौ गाहायाव होनाय जाबाय।

28 फेब्रुवारी : हरिमायारी बिगियान सान (Natinao Science Day)- बे सान फालिथायखौ साइखं महरै लानानै आबहावा रेखाथिनि बिथिडव बिगियाननि मानवांगीनि सोमोन्दै सांग्रां खालामनाय जायो।

22 मार्स : मुलुगनां दै सान (World Water DDay)- हा सिंनि दै बाहागोआ फारिये गोथोरिसि जालानायनि जाउनाव लौनाय दैनि जाबादि आंखाल नुजादौं बेनि फारसे मुलुगनि थागिरिफोरखौ सांग्रां खालामनो थाखाय बेसानखौ फालिनाय जायो।

21 मार्स : मुलुगनां हाग्रा लाखिनाय सान (World Forestry Day)- बे सानखौ बिफां-फुलि गायनाय हाबाफारिनि गेजेरजौं बुहुमनि सा बाहागोखौ सोमखोर गोथां खालामनायनि फारसे सांग्रांथिखौ बांहोनो थाखाय बे सानखौ फालिनाय जायो।

7 एप्रिल : मुलुग देहा सान (World HHealth Day)- 1948 माइथायनि बे समावनो मुलुग देहा आफाद दानाय जादौंमोन।बहावा गोखे सोलायनाया जौनि देहानि सायाव जा गात्रिं गोहोम खोख्वेदौं बेनि फारसे साग्रांथि लाबोनाया बे सान फालिथाइनि थांखि।

18 एप्रिल : मुलुग थामोनथा सान (World Heritage Day)- सोदोमसिं जौगाखानायनि थाखाय जौनि थामोनथाखौ सरैखा खालामनाया गोनो। बेनि गोनोथिखौ सानखां होनो बे सानखौ फालिनाय जायो।

22 एप्रिल : बुहुम सान (World Day)- गोदान सोरजिथायनि जाउनाव बुहुमनि सायाव दलाम गात्रिं गोहोम गोरलैदो। बे गात्रिं गोहोमनि फारसे मुलुगनि मानषिखौ सांग्रां खालामनो 1970 माइथायनिफ्राय बे सानखौ फालिबोनाय जादो।

31 मे : थांखु सोबनायनि हेंथा सान (Anti tobacco Day) - थांखु हारिनि बायदि बायदि बेसादफोरनि बांद्राय जायफोर जेंना सोमजिदों बेनि फारसे मुलुगनि मानषिखौ सांग्रां जाहोनो थाखाय बे सानखौ फालिनाय जायो।

5 जुन : मुलुग आबहावा सान (World Envernmont Day)- आबहावा गुबुनायनि गिखंथावनि सोमोन्दै मुलुगनि थागिरिफोरखौ सांग्रां खालामनो बे सानखौ फालिनाय जायो।

11 जुलाई : मुलुग सुबुं अनजिमा सान (World Poulation Day)- सुबुं अनजिमा बेरफुनाया दिनै मुलुगनि थागिरिफोरनि थाखाय मोनसे गिखंथाव जेंना । बे जेंनानि फारसे मुलुगनि थागिरिफोरखौ सांग्रां जाखांहोनो बे सानखौ फालिनाय जायो।

3 अक्टबर : मुलुग थाखउलि सान (World Habitat Day)- बुहुमा मानषिनि थाखायल' नडा। गुबुन जिबफोरनिबो थाखुलि । नाथाइ मानषिनि माखासे हाबा हुखाफोरनि गुबुन जिबफोरनि थाखुलिनि फारसे सिगिनाय लाबोदो। बेनि फारसे

सांग्रांथि लाबोनो बे सानखौ फालिनाय जायो।

1 निए्राय 7 अक्टबर : मुलुगनि अरनारि मि-जुनार होबथा सान(World Wildlife Day)- अनारि मि- जुनारफोरखौ सरैखा खालामनायनि गोनोथिनि फारसे मुलुगनि थागिरिफोरखौ सांग्रां खालामनो बे सानखौ फालिनाय जायो।

13 अक्टबर : हारिमा गेजेररि आफोद होबथा सान (Internation Day for National Disaster Reduction)- मिथिंगायारिफोरनि आफोदफोरनिफ्राय जानाय खहाफोरनि बिबांखौ खमायना लानो हाथाव राहाफोनिकारसे हाधारण सुबुंफोरनि गेजेराव सांग्रांथि लाबोनाया बे सान फालिनायनि थांखि।

14 नवेम्बर : गथ'सा सान (Children Day)- साफ्रोमबो गथसाफोरखौ गावनि सोरगिदिं आबहावाणि फारसे सांग्रां खालामनायनि गेजेरजौं गथ'सानि इयुन जिउखौ रेखाथि गोनो खालामनाया बे सान फालिनायनि थांखि।

2 दिसेम्बर : भुपाल दुखु सान (Bhupal Tragedy Day)- बे सानखौ भुपालनि गेस जाब्रबथाइखौ सोगोखानाय जायो। इयुनाव आरोबाव जाहाथे बेबादि जाब्रबथाइ जाबावा बेनि फारसे सांग्रांथि सोंजि होनाया बे सान फालिनायनि थांखि।

मख'नो गोनोदि, जौनि हादराव सोलिनाय आबहावा आरो बेफोर आबहावाजौं नाजावफानाय माखासे मख'जाथाव सानफोरखौ नोजोर होयोब्ला जौं मानषिनि थाखाय जिबारि आबहावा आरो समाजारि आबहावाणि गोनोथिखौ रोखा रोखा सानखानो हायो एबा मिथिनो मोनो।

(□ 1 बिलाइनिफ्राय)

गुवाहाटीआव इभि सार्जि नेटवर्क गायसन्नो टाटा पावारजौं आसाम सरकारआ गोरोबलायनाय ...

नेटवर्क गायसन्नो थियारि जादो। इभि सार्जिनि बे नेटवर्कआ लामाफोरव इलेक्ट्रिक गारि बाहायनायाव बांनारनि मिजिंथिथाव लामाखौ गेवहोगोन। बेयो जौनि सोनारनो हानाय नोगोर जौगाखां आरो आबहावा सरैखाथिनायजौं गोरोबलायनाय आबहावा गुबुले जानायखौ बाडइ खालामनायनि बिथिडव राइज्योनि गिबि मन्थि ङ हिमन्त बिश्व शर्माआ थानाय सानफोरव आजावनानै लानाय थांखिनि मोखथाडरि महर होनायाव हेफाजाब होगोन। मख'नो गोनोदि, बे मोनसे हाबाफारियावनो लामा रेखाथि मबाइल एप आरो ह्वाटसएप बिथायाव पथ सुरक्षा सहजगी मुनि मोनसे एप आसामनि हान्था-मेला मन्थि परिमल शुक्लबैध्यआ दिने बेखेवनानै होयो। बेनि गेजेरजौं साफ्रोमबो नोगोरारिफोर लामा रेखाथिनि बिथायाव अजदफोरखौ दिन्थिनो हागोन। बे बिरोदामिन थांखि लानाया राइज्योआव लामा रेखाथिनि सांग्रांथिजौं लोगोसे लामा जाब्रथाय आरो जिउ गोमानायनि जौखोन्दोखौ बाडइ खालामनाय बिथिडव जर'खायै हेफाजाब होगोन। गुबुन फारसे हे हाबाफारिनि सिगां हान्था-मेला मन्थि परिमल शुक्लबैध्यआ दिने हान्था-मेला कमिसनार मावखुलिनि मोनसे गोदान मुगानि मेल जथुमसालिखौबो बेखेवनानै होयो। गोरोबलायनायनि रादायाव मुंसाइलायनाय हाबाफारिआव बाहागो लानानै हान्था-मेला मन्थि परिमल शुक्लबैध्यआ गुबुले जानायखौ होबथानायनि बिथिडव टाटा पावार इभि सार्जि सलुसनि लिमिटेडआ लानाय थांखिखौ साबायख'र बारउदो। गारसे 54 जौखोन्दो गुबुले जानाया गारि-मथरनिफ्राय जायो होन्ना मख'नानै बिथाड राइज्योरि जायगायाव इलेक्ट्रिक गारिनि सार्जि स्टेसन गायसन्नाया नोगोरमा आरो राइज्योनि सरासन्खा सुबुंफोरखौ बे गारिखौ बायनायनि फारसे जर'खायै गोगो आबहावाखौ सामलायना लाखिनायनि बिथिडव बिहोमा होगोन होन्नाबै बुडे। गिबि मन्थिआ स्टेसनफोरखौ थाबेनो गायसन्नायनि थांखि लानो फसंथानखौ खावलायदो। हाबाफारिआव टाटा पावार इभि सार्जि सलुसनि लिमिटेडनि फालांगियारि फोजौंखां गाहाइ बिरेन्ड गयेलआ गिबि खोलोबआव नोगोरमनि गुबुन गुबुन जायगायाव गं 10 बेबादि स्टेसन गायसन्नायनि उनाव राइज्योनि माहारियारि राजा लामा आरो गुबुन गुबुन नोगोरफोरव फसंथानआ बेनि फेहेरनायखौ बांहोगोन होन्नाबै बुडे। हाबाफारिआव हान्था-मेला बिफाननि नेहाथारि आदिल खानआ लामा जाब्रथायखौ बाडइ खालामनायनि बिथिडव गुबुन गुबुन थांखि लानायफोरनि सोमोन्दै बिबुंथि होयो। दिनेनि हाबाफारिआव हान्था-मेला बिफाननि गोजौ थाखोनि बिबानगिरि टाटा पावार इभि सार्जि सलुसनि लिमिटेडनि बिबानगिरिफोरजौं लोगोसे प्राग निउज टिभि सेनेलनि गाहाइ सामलाय बिथोनगिरि ङ सन्जिब नारायनआ बाहागो लायो। गुबुनफारसे पथ सुरक्षा सहजगी एप बेखेवनाय हाबाफारिआव राइज्योनि जर'खा पुलिस बिथोनगिरि गाहाइ हरमिन्त सिंहआबो बिबुंथि होदो।

कक्राझार निलिट एक्सटेन्सन सेन्टारनि बान्जायनायाव एनइसिबि 2.0 नि हाबाफारिखौ...

टेक्नल'जिनि सायाव गुवारै रोंग'थि होनाय। मख'नो गोनोदि, कक्राझार निलिट एक्सटेन्सन सेन्टारनि बिथोनगिरि साइन्स्ट्रट ङ बिपुल रायआ बे हाबाफारिखौ बेखेवनाय समाव गावनि बिबुंथिथाव बुडेदि, नथ-इस्ट केपासिदि बिल्डिं 2.0 बिथांखिनि गुबै थांखियानो जादो- आथिखालनि डिजिटेल मुगा एवा इन्फर्मैसन टेक्नल'जिनि मुगायाव गामियारि ओन्सोलनि फरायसा, फोरेंगिरि, आबादारि लोगोसे आइजोफोरखौ डिजिटेलनि सायाव गुवारै रोंग'थि होनानै आथिखालनि मुगाजौं आगान सुरलानो हानायनि थाखाय बे थांखिखौ लानाय जादो। बेनिखायनो गामियारि ओन्सोलाव थानानै जिउ खांग्रा सुबुंफोरखौ मोनब्रै गुपआव रन्नाय जादो। बेनि गेजेरजौं बेवहाय फरायसालिनि फरायसा आरो फरायसालिमाफोरनि फरायसाफोरजौं लोगोसे आबादारि आरो आइजोफोरखौबो आलादा-आलादायै फोरेंथाइ होनायनि राहा लानाय जादो। बे जर'खा हाबाफारिनि गेजेरजौं कमिपउटरनि माखासे गुदि आरो गोनोथार सोलौंनो गोनं जैरे- अफिस अट'मेसन, इ-कनटेन्ट डेभलपमेन्ट एन्ड डिजिटिभारी सिस्टेम्, आइटि एप्लिकेशन्, कमिपउटर नेटवर्कस, साइबर सिक्युरिदि, इ-गभार्नेन्स आरो इन्जिनियारि टेक्नल'जि आरो गोबां आयदाफोरनि सायाव फोरेंथाइ होनाय जादो। बे फोरेंथाइ होनायाव कक्राझार निलिट एक्सटेन्सन सेन्टारनि मावफारिया ङ बिपुल रायजौं लोगोसे केके बाग्लारि (एसटिअ), बन्ती दास, निलमनि दास, मन्दिप बरुवा आरो दन्दिप ब्रह्म मोनहा गोखोडे' बाहागो लानानै बे फोरेंथाइ होनाय हाबाफारिखौ जाफुसार होयो। बे फोरेंथाइ होनाय हाबाफारियाव कक्राझार जिल्लानि सिडव थानाय सा 48 फरायसालिनि फोरेंगिरिफोरा बाहागो लादोमोन होन्नाबै ङ बिपुल रायआ फोरमायथिदो।

गिखंथाव मटर साइकेल जाब्रबथायाव सासे सुबुं थैदो गुबुन सासे जोखोम

जानाय लाइमोनखौ गामिसेनिनो पंकज नाथ (16) होन्नाबै सिनायथिनो हादो। सुलुडा मिथिहोनाय बादिब्ला, कक्राझार सहरनिफ्राय मेला नायनानै मटर साइकेलजौं सानैबो न' फारसे थांबाय लानाय समावनो मकरापारा लामायाव सामब्लायथाय खोमानानै लामानि सेराव थानाय मेब्लिव खुन्थियाआव सौराव हैयो। जायनि जाउनाव जयजित नाथआ जायगायावनो जिउ गोमायो आरो पंकज नाथआ गोब्राबै जोखोम जायो। जाथायनि बागै खौरां मोन्नाय लोगो-लोगोनो कक्राझार ट्राफिक पुलिसआ जाथायथिलियाव नुजाधिहैनानै सानैबो लाइमोनखौ कक्राझारनि रुपनाथ ब्रह्म देहा फाहामसालियाव थिसनहैयोब्लाबो देहा फाहामगिरिआ जयजित नाथखौ थैबाय होन्नाबै फोसाबो। जाब्राबथायाव गोब्राबै जोखोम जानाय पंकज नाथखौ दासान्दि कक्राझारनि रुपनाथ ब्रह्म देहा फाहामसालियावनो फाहामथाय होगामिनो दं होन्नाबै सुलुडा मिथिहोदो।

(□ 1 बिलाइनिफ्राय)

आसाम गण परिषदनि 39 थि गायसन्थाय सान फालिदो

दोलोनि सावराय मेल खुंनाय जायो। तामुलपुर बिधान परिषदनि आफादगिरि भबेन रजबंशिनि आफादगिरि मासि सामब्लायनायाव खुंनाय सावराय मेलाव एजिपिनि मिरुनि सोद्रोमा दुलाल दास, गागि समाज सिबियारि हेमचन्द्र कलिता, तामुलपुर बिधान परिषदनि बोसोनगिरि मनि देउरिजौं लोगोसे माखासे गागि सुबुंफोरा दोलोनि इयुन आरो बायदि बिथिनि सायाव सावरायलायो। दिनेनि मेलाव तामुलपुर बिधान परिषदनि आबादारि परिषदनि आफादगिरि सतिश कंवर, नेहाथारि तमर शिल, तामुलपुर बिधान परिषदनि नेहाथारि समर तालुकदारनि अनगायैबो गोबां आइजोफोराबो बाहागो लायो।

खोला तामुलपुर दालाइ फरायसा आफादनि जथुम्मा..

नेहाथारि तुषार कलिताआ दैदेन्याय मेलाव आफादगिरिनि मासि सामब्लायो तामुलपुर दखरा फरायसा आफादनि आफादगिरि सन्जय पाठकआ। मेलाव दुलाराइ आसाम फरायसा आफादनि गेलेमु नेहाथारि पुर्न डेकाआ बाहागो लानानै दुलाराइ आसाम फरायसा आफादनि गुबुन गुबुन जारिमिनिनि बागै सावरायनायजौं लोगोसे आथिखालाव फरायसा आफादनि गुबुन गुबुन बिथिडव थानाय बिबाननि सोमोन्दैबो गुवारै फोरमायथिदानै होयो। बे मेलाव दुलाराइ आसाम फरायसा आफादनि मिरुनि मावफुं सोद्रोमा अजय बर' आरो तामुलपुर जिल्ला आफादनि नेहाथारि सरन्जन राभा मोनहा बाहागो लानानै बिबुंथि होयो। मेलाव तामुलपुर जिल्ला आफादनि लेडइ आफादगिरि अनुप कलिता, रंखान्थि नेहाथारि प्रान्जल दास, मावखुलि नेहाथारि पल्लप कलिता, आसाम सेनानि मिरुनि सोद्रोमा चक्रधर तालुकदार, तामुलपुर जिल्ला आसाम सेनानि सोद्रोमा जगत दास, तामुलपुर दखरा फरायसा आफादनि नेहाथारि मृत्युन्जय हालैजौं लोगोसे तामुलपुर फरायसा आफादनि बिबानगिरि-मावथि आरो बतियामारि ओन्सोलनि माखासे सांग्रां नोगोरारिफोरा बाहागो लायो। दिनेनि मेलाव सिगांनि आफादखौ सिमफायनानै इनजामुर हकखौ आफादगिरि आरो किशर कलिताखौ नेहाथारि महरै सायख'नानै गारसे सा 31 सोद्रोमानि दालाइ आफादखौ दाफुनाय जायो।

कसुतला-सान्जा कुर्साकाति गाथोननि सम्पाबति दैसानि...

मेसें बोथोरव बे औवानि दालांजौंनो थावायनानै, साइकेल, मथर साइकेल लानानै थांलाय-फैलाय खालामनाय जायो। लोगोसेनो थैला-रिक्साफोरबो बारलानो हायोब्लाबो औवानि दालाडा जोबोद फिसा जानायनि थाखाय सारिबिथिजौं साइकेल-मथर साइकेल सालायजाया, सासे सुबुं थाबायनानैबो बारलानो हाया। गुबुन फारसे दैज्लां बोथोरनि समाव फिसा नावजौं दावबायारिफोर बारलानो गोनो जायो। नावजौंआनो जाथौं एबा औवानि दालांजौंआनो जाथौं दावबायारिफोरा रं होनानैसो बारलानो हायो। हाथाय खालामनाय, फरायसालि-फरायसालिमा, गुबुन गुबुन बिफाननि साखि बायदि खामानि मावहैनो सानफ्रोमबो गोबां साइकेल-मथर साइकेलफोर थांलाय-फैलाय खालामो। नाथाय दालांनि सान्जा फारसे फिसा गोजौं जायगानि गेजेरजौंसो गाहाइ लामासिम थानो गोनो जायो। मख'नो गोनोदि, सम्पाबति दैसानि 4 कि:मि: फारागथिनि मोनब्रै गाथोनआव अखा हानाय बोथोरव फिसा नाव आरो गोजां बोथोरव औवानि दालांजौं सरासन्खा सुबुंफोर बोसोरनाडै बोसोर थांलाय-फैलाय खालामनो गोनो जायो। नाथाय गाव्का सानानाडै कसुतला-सान्जा कुर्साकाति गाथोनआव पाक्कानि दालां लुनाय जागोन होन्नाबै सुबुं थादैफोरा बाभ्रा होबोबाय थादो। बे बाभ्रा होनाया माब्ला मोखथाडव महर मोनगोन बे सानखौ फारनैबो रुगुडव थानाय सुबुंफोरा उसु-खुथुयै लामा नायनानै दडा।

(□ 1 बिलाइनिफ्राय)

बिपिएफ दोलोनिफ्राय होखारजानाय भरत शर्माआ खौरांगिरि मेलनि गेजेरजौं गोखौं फिनजाथाय..

बिबुंथि होनायनि थाखायनो दोलोनिफ्राय होखारनायखौ गोथौ दुखु मोन्नाय फोरमायनानै बिपिएफ दोलोनिफ्राय मासि एंगारनाय बिलाइ गथायो आरो बिपिएफ दोलोनि सिडव गागि सुबुंफोरखौ मान होनाय आरो नेमखान्थि, आदर्शनि आंखाल सोमजिबाय होन्नाबै गोखौं अजद होयो। बेबादिनो बिथाड सनातन धोरेमनि सासे हेफाजावगिरि महरै गान्धी नख'रारिखौ लानानै सरासन्खा मोनसे बिबुंथि होना खौरां बिजौंनि गेजेरजौं सोंखारिदोमोन। गुबुन फारसे भरत शर्माआ बे बिथिडव दिने खौरांगिरि मेल खुंनाबै गान्धी नख'रारिखौ सोंखारिनायनि थाखाय बिपिएफनि माखासे दैदेनगिरिफोरा गावखौ गिबि मन्थि ङ हिमन्त बिश्व शर्मा, आरएसएस आरो बिजेपिनि जानानै खामानि मावग्रा सासे दालाल होन्नाबै दोलोनि मावखुलिआवनो गाग्लोबनो नाजादोमोन होन्नाबैबो गोखौं अजद होदो। खौरांगिरि मेलआव भरत शर्माआ गाव बिपिएफ दोलोनि हेंथा जायखि-जाया खामानियाव लोब्बा जायाखैमोन आरो दोलोनि हेंथायै जायखि-जाया अजद गोनो बिबुंथि होयाखैमोन। खेंफोरथि महरै आं थानाय 19 सेप्टेम्बरखालि कक्राझारआव मोनसे खौरांगिरि मेलआव गान्धी नख'रारिनि सायाव माखासे बाभ्रा बुंदोमोन आरो बेखौ लानानै आंखौ बिपिएफ दोलोआ गोखैनो दोलोयारि नेमखान्थि गैयालासे दोलोनिफ्राय होखारदो। शर्माआ रोखायै बुंथिबावदोदि, गान्धी नख'रारिखौ सोंखारिनायाव बिपिएफनि दैदेनगिरिफोरनि देहायाव मानो अर नांदो। गुबैयै आं मिथियाखैमोनदि बिपिएफ आरो कंग्रेसनि गेजेराव इसिडारि बाभ्रा दडा। बिथाड खौरांगिरिफोरनि सोंथिनि फिननायाव बेनि सोमोन्दै मिथियाब्लाबो कंग्रेसनि जुथाय दोलो इन्डियाआव बिपिएफनि स्नोद सोमोन्दो थानो हागौ। बिथाड खौरांगिरि मेलआव बिपिएफनि गोबां गोजौं थाखोनि दैदेनगिरिफोरा गावनिफ्राय लाख-लाख रं लादोमोनब्लाबो धोनखौ मोनफिनो लुबैयोब्ला उल्थायै दावि-हुमखि होयो होन्नाबै मोनसे गोखौं अजदबो होदो। शर्माआ गावखौ बिपिएफ दोलोनिफ्राय होखारनायखौ मोनसे रोखेमनि राजखान्थियारि खैसार सानाय होन्नाबै फिनजाथाय होदो। बे बिथिडव बिपिएफ दोलोनि सिडव माखासे दैदेनगिरिफोरनि थाखाय दिने गोबां दैदेनगिरिफोरा जानगराव थानो गोनो जादो होन्ना दुखुनांथाव बिबुंथि होदो बिपिएफनि बारग' दैदेनगिरि भरत शर्माआ। मख'नो गोनोदि, बिपिएफनिफ्राय होखारजानाय भरत शर्माआ बिपिएफ दोलोनि आफादगिरि हाग्रामा महिलारिनि जोबोद खाथि सोमोन्दोनि दैदेनगिरिमोन होन्नाबै मिथिनाय जायो।

गसाइगाव ब्रह्म शेवाश्रमाव ब्रह्म धोरेम सिबियारिफोरा महालया फोर्बो

गोजोन फैथीनि थाखाय नायकआ अर'ज गाबो। मख'नो गोनोदि, श्रीमत् परमहंस शिबनारायन स्वामीनि बोसोनखौ महनि महन चेट्टाजीआ बांला रवआव लिरनानै फोसावनाय अमृत सागर बिजाबखौ गसाइगावनि गागि थुनलाइगिरि आरो स्वरुपस्तिथि फोसावदि संसदनि लेडइ अधिनायक बिस्वनाथ नाजारीआ हिन्दी रवआव रवसोलायदो। दिने शेवाश्रमाव महालया फोर्बोनि लोब्बायै बे हिन्दी रवआव रवसोलायनाय अमृत सागर बिजाबखौ बेखेवनानै होयो रवसोलायगिरि बिस्वनाथ नाजारीआ। स्वरुपस्तिथि फोसावदि संसदनि अधिनायक रमेश ब्रह्मआ सामब्लायनाय बे बिजाब बेखेवनाय हाबाफारियाव साश्र नायबिजिर मेल खुंनाय जायो। बे मेलव स्वरुपस्तिथि फोसावदि संसदनि फोसावगिरि प्रानेश्वर ब्रह्मआ ब्रह्म धोरेमनि सायाव गुवारै फोरमायथिनाय होयो। बे हाबाफारियाव स्वरुपस्तिथि फोसावदि संसदनि नेहाथारि गोजोनथाव ब्रह्म, लेडाइ अधिनायक महेश्वर ब्रह्म, सोद्रोमा दानियाल बसुमतारि, बर' थुनलाइ आफादनि बारग' आफादगिरि पद्मश्री ङ कामेश्वर ब्रह्म, एमसिएएल ए रहिन्द्र ब्रह्म, आजिरा मोन्नाय गाहाइ फोरेंगिरि रंगलाल दत्त, चिरन्जीलाल महेश्वरी, चिनमय कुमार बल, निर्मल पाल, सात्तिराम रायजौं लोगोसे स्वरुपस्तिथि फोसावदि संसदनि गासैबो फोसावदिगिरि, आश्रमनि गासैबो मावथि आरो ब्रह्म धोरेम सिबिसुला राइजो-राजाफोरबो बाहागो लायो।

सरुपेटायाव 98 थि श्री श्री दुर्गा फुजा खुंनो ..

श्री सारदीय दुर्गा देबिनि मुसुखा गायसन्नाय आरो हरनि 9.00 रिंगायाव फुजा होनाया जागायजेनगोन। उननि गासैबो सानावनो आसार-खान्थि बादि्यै फुजा सिबिथाय बाउनाय, सावगारि बोनाय बादायलायनाय, हरखाब बुंनाय बादायलायनाय, मोसानाय बादायनाय, आरति बादायनाय, खन्थाइ आवरायनाय बादायनाय बायदि हाबाफारि खुंनाय जागोन। बेनि अनगायैबो कामरुपिया ठुलियानि हारिमु, उजा फालि, आरति दिन्थिनाय, हांखाइजानाय आरो जायगानि आरिमुगिरिफोरनि गेजेरजौं हारिमु मोनाबिलिबो खुंनाय जागोन होन्नाबै सुलुडव मिथिहोदो। मख'नो गोनोदि, 24 अक्टबरआव साननि 1.00 रिंगायाव मुसुखा फोजावनाय हाबाफारि खुंनाय जागोन।

गुबुन फारसे भवानिपुर्नि साखाथियाव थानाय गलिया गेजेर इंराजि फरायसालि लांगोनायाव फैगौ 20 अक्टबरनिफ्राय 24 अक्टबरसिम 5 साननि हाबाफारिजौं 23 थि श्री श्री दुर्गा फुजा फोर्बोखौ खुंनो थाख-थियारि जादो। दुर्गा फुजा खुंगोन थावनिआव 20 अक्टबरखालि सानआव दिहा नाम बादायनाय खुंनाय जागोन। मोनाबिलियाव दुर्गा बिमानो फुजा सिबिथाय होनायजौं श्री श्री दुर्गा फुजाखौ गोथारै बेखेवगोन। 21 अक्टबरआव मोनाबिलिनिफ्राय मोसानाय बादायलायनाय खुंगोन। हाबाफारि बादि्यै गासैबो सानावनो आसार-खान्थि बादि्यै फुजा सिबिथाय बाउनाय, नाम किर्तन, गेदेर हारिमुवारि हाबाफारि खुंनाय जागोन होन्नाबै गलिया श्री श्री दुर्गा फुजा फोर्बो बान्जाय आफादआ फोरमायदो।

बलिउडनि आइजो देंखोगिरिफोराबो गोबां रां आरजिनो हायो

हिन्दी सावथुनआ देंखोनि अनगायै आद्रा जायो। देंखोगिरिफोराबो स्टारफोर बायदिनो समानै जाफुंसारनो हायो। बिसोरो सावथुनफोरनि अनगायैबो स्टेज स्व खालामो आरो गाव गावखौ मुंदांखा खालामनो हायो। आथिखालनि समाव आयजो देंखोगिरिफोरा स'ल सिंगिं स्व खालामो। बिसोरनिगा गावबा-गावनि बेन्ड थायो। बिसोरनि फोसावदिं खालामनायखौ सावथुनआव नुनो मोनो। बिसोरो गोबां रांबो आरजियो। (1) श्रेया घषाल: चिकनि चामेलि देंखोखौ



रोजाबनाय श्रेया घषालआ बलिउडनि बयनिखुइ मुंदांखा आयजो देंखोगिरिफोरनि गेजेराव सासे। रिपटनि बायदिब्ला बियो दोंसे देंखो रोजाबनो थाखाय

25-27 लाख रंखौ चार्ज लायो। बनि गासै सम्पतिखौ 185 कौटि रां होना फोरमायनाय जायो। (2) सुनिधि चौहान: धुम मचाले देंखोखौ रोजाबनाय सुनिधि चौहाननिआ हादतनाडै गोबां पेन फलइं दड। गोलाव बोसोरनिफ्राय बियो बयनिखुइ बांसिन रंखौ डिमान्ड खालामग्रा आयजो देंखोगिरिफोरनि गेजेराव सासे। रिपटनि बायदिब्ला सुनिधिआ बबेबा देंखोआव

गावनि गारां होनो थाखाय 12-16 रंखौ चार्ज लायो। बनि गासै सम्पतिगा 100 कौटि रां। (3) नेहा कक्कड़: सम-सम टिभि स्वआव गोदान देंखोगिरिफोरखौ जाज खालामनाय नेहा कक्कड़निआ सशेल मिडियाआव गोबां फेन फलइं दड। थानाय माखासे बोसोराव बियो गावनि मोजा सिनायथि बानायदों। दोंसे देंखोनि थाखाय बियो 10-15

लाख रंखौ चार्ज लायो। बनि गासै सम्पतिखौ 37 कौटि रां होना फोरमायनाय जायो। (4) आलका यागिनक: आलका यागिनकआ दिनैसिमबो बलिउडनि फोथायजाथाव देंखोगिरि। मिलौदो देंखोनि बाश्वा बुडेब्ला बिखौ रावजोंबो रुजु जाया। बनि गासै सम्पतिखौ 60 कौटि रां होना हमदांनाय जायो। बियो बलिउडआव दोंसे देंखोनि थाखाय 12 लाख रंखौ चार्ज लायो। (5) आशा भसले: आशा भसलेआ इन्डास्ट्रीनि बयनिखुइ सिनियरसिन आयजो देंखोगिरि आरो बनि गारांनि सायाव कौटि-कौटि सुबुंफोरा जावलिआ जायो। बियो आथिखालाव बांसिनै स्टेजआव खालामो। बनि गासै सम्पतिगा 80 कौटि रां।

टाइगार-3 सावथुननि रिलिज अक्टआ रोखा जाबाय



बिथोनगिरि मनिष शर्मानि टाइगार-3 खौ नायगिरिफोरा नेनाई दड। सावथुनआव सलमान खानआ र' एजेन्ट अभिनाश सिं राठौड़ एबा टाइगारनि महराव फैफिनसिगोन। टाइगार जिन्दा है (2017) आ ब्लकबास्टर जादोंमोन आरो बे गोदान सावथुनजों बांसिनै आसा खालामनाय जादों। सावथुनआव इमरान हाशमिया भिलेननि फाव खालामदों आरो शाहरुख खाननि केमियखौबो नुनो मोनगोन। नाथाय फेन्सफोरनि आथिखालाव सावथुननि रिलिज अक्टखौ नेनाई थानाया जोबबाय। सुलुंनि गथायनायजों मिडियाआव फेनाय खौराडव बुंनय जादोंदि, टाइगार-3 आ दिवालिन सान एबा 12 नभेम्बरखालि सिनेमाहलफोराव रिलिज जागोन। गोदान रिपटनि बायदिब्ला सलमान खान आरो केट्टिना केफनि टाइगार फ्रेंचाइजिनि 3थि बाहागोआ रबिबाखालि थिएटरफोराव रिलिज जागोन। बलिउड हांगामाया सुलुंनि गथायनायजों बे खौरांखौ होदों। सरासनस्ता महरै बलिउड सावथुनफोरा दिवालिन नैथि सानआव रिलिज जायो, नाथाय बानायगिरि वाइआरएफआ मोनसे गोदान थांखि लादों। बनि बायदिब्ला रिलिजनि सानआव सलमाननि फेन्सफोरा टाइगार-3 खौ नायनानै बे फोरबोखौ फालिगोन आरो गोबां अनजिमानि सुबुंफोरा थिएटराव फेगोन। दिवालिन नैथि सानखालि माखासे राइज्योआव समबाखालि एबा 13 नभेम्बरखालि सुथि थागोनब्ला माखासे राइज्योआव मंगलबारखालि बन्द थागोन। 15 नभेम्बरखालिबो सुथि थागोन। बेबायदिनो गोबां बन्द थानायनि जाहोनाव बे दिवालियाव सावथुनआ गोबां रिक्ट सिफायगोन। फारसेथिं बक्स अफिसआव टाइगार-3 आ दा मार्थल्सजों सेलेन्ज नांनो गोनां जागोन।

बडिगार्डआव करिना कापुरनि लोगो जानाय हेजल किचआ गावनि खानायखौ दान होदों

सावथुन बडिगार्डआव करिना कापुरनि लोगोनि फाव खालामनाय हेजल किचआ मोनसे मोजां थांखिनि जाहोनाव खौराडव थादों। हेजलआ सासे क्रिकेटर युभराज सिंहनि बिसि। बे बोसोरनि आगस्ट दानआव बियो नैथि गथ 'नि बिमा जादों। बियो नैथि फिसाजोखौ जोनोम होदों, जायनि मुंखौ अग दोन्नाय जादों। सानै फिसाजोफोरनि बिमा हेजलआ बावैसो समाव मोनसे औरैबायदि खामानि मावदों, जायजों बियो फेन्सफोरनि गोसोखौ देरहानो हादों। हेजलआ इन्सटग्रामआव गावनि गोदान हेयास्टाइलनि सावगासिखौ शेरार खालामदों। बियो माखासे सावगासिफोरखौ शेरार खालामनानै फोरमायदोंदि, खानाया गोबां गनायनि जाहोनाव गाव गावनि खानायखौ हास 'दों। बेजों लोगोसे फावखुंग्रिया मोनसे नटआव फोरमायदों, गाव अरायसम गोदान बिमाफोरखौ खानाय हास 'ना लानाय नुनो



मोनो। गाव डिलिभारिनि उनाव खानाय गुनायनि सोमोन्दै मिबथिदों, जेब्ला नोंथाड उन्दै गथ 'जों एडजास्ट खालामनांगौ जायो अब्ला थासारिफोरा बेबायदिनो जायो। बियो बुंबावदों, जेब्ला गाव गावनि खानायखौ आरोबाव खनसे हास 'यो अब्ला गाव केन्सारनि जेनाजों भुगिनांनय सुबुंफोरनि थाखाय गावनि खानायखौ दान हरनो थांखि लायो। हेजलआ सेलुननिफ्राय गावनि भिडिअ शेरार खालामदों, जेब्ला बियो खानाय हास 'जादोंमोन। बेजों लोगोसेनो बियो बै फसंथाननि

माहाम देहानि राहा

काजु बादाम जायोब्ला बिखाखौ गाहामै लाखिनाय आरो दोगोन खालामनायाव मदत फेयो

गुनफोरजो

बुंफबनाय झइ फ्रुट्सआ देहानि थाखाय गोबां मुलाम्फा गोनां जायो। देहाखौ गाहामै लाखिनो थाखाय सानफ्रोमबो मुथासे झइ फ्रुट्सखौ जानो सुबरन होनाय जायो। बेनि गेजेरावो काजुआ मोनसे, जायखौ जानायजों देहायाव माखासे गुनफोरनि बाडाय जानायखौ जानगार खालामनो हायो। बे झइ फ्रुट्सआव फाइबार, प्रटिन, मंगनिज, जिंक, कपार बायदि गोबां गुनफोरखौ मोननाय जायो। नाथाय गोरान काजुनि रुजुनायाव दैयाव सोमनाय काजुआ बांसिन मुलाम्फा गोनां जायो। जुदि नोंथाड सानफ्रोमबो दैआव सोमनाय काजुखौ जायोब्ला देहाजों सोमोन्दो गोनां माखासे बेरामफोरनिफ्राय रैखाथि मोनो हायो। माखासे गुनफोरजों बुंफबनाय काजुआ बिखाखौ गाहामै लाखिनो थाखाय गोबां मुलाम्फा गोनां मानिजायो। बेवहाय हेल्दी फे टसखौ



मोननाय जायो। जुदि नोंथाड सानफ्रोमबो उदें खालियाव दैआव सोमनाय काजुखौ जायोब्ला बेजों देहानि बेड कलेस्ट्रलनि लेभेलआ बाडाय जायो, जायजों बिखानि जेनाखौ बाडाय खालामनो हायो। मेगनखौ गाहामै लाखिनायावबो काजुआ मदत होयो। बेवहाय गोखों एन्टीअक्सिडेंट गुनखौ मोननाय जायो, जाय रेटिनाखौ रैखाथि होयो। सोमनाय काजुआव थानाय जिवा जेन्थिनआ बैसो जानाय सुबुंफोरनि गेजेराव बैसो जों सोमोन्दो गोनां मेक्युलार डिजनरेशनखौ होवथानायाव मदत होयो, बेनिखायनो मेगनखौ गाहामै लाखिनो थाखाय सोमना दोननाय काजुखौ जानानै दिनखौ जागायनांगौ। दैआव सोमना दोननाय काजुखौ जानायजों दोगोनआवबो सोलायनाय फेयो। बेवहाय फाइबारखौ मोजां बिबाडव मोननो होयो। जायजों मोजाडे खिनो हायो। दैआव सोमनाय काजुखौ दोगोन खालामनायावो गोरलै जायो, जायजों उदेंजों सोमोन्दो गोनां जेनाफोरनिफ्राय रैखाथि मोनो। काजुआव हेल्दी फे टसखौ मोननाय जायो, लोगोसेनो बेजों खि गोरा जानायनि जेनायावो बाडाय जायो।

इलियाना डिक्रुजआ फिसाज्जाजों गिबि खेब आउटिआव थादों



फावखुंग्रि इलियाना डिक्रुजआ थानाय माखासे दान सिगांसो बिमा जादों। बनि जिउआव बे गोजोन्नाया 1 आगस्टखालि फेदों, जेब्ला बियो फिसाज्जाखौ जोनोम होयो, जायनि मुडा क 'आ फिनिक्स ड'लन। इलियानाया गावनि फिसाज्जालि महरखौ फेन्सफोरनो दिन्थिबाय। बेजों लोगोसेनो बियो गावनि फिसाज्जाजों सोमोन्दो गोनां फिसा गिदिर आपडेटफोरखौ शेरार खालामबाय थायो। इलियानाया गिबि खेब गावनि फिसाज्जाजों लोगोसे लन्वआव बायजोआव फेदों। बियो बेनि मोनसे समायना सावगासिखौ शेरार खालामदों। क'आनि

फारसेथिं क'आखौ बियो ब्लेक बेबि स्टुलारआव दोन्दोंमोन। इलियानाखौ अननानै गावनि फिसाज्जाखौ नोजोर होनाय नुनो मोन्दों। बेनि सिगां इलियानाया गावनि फिसाज्जाजों गेलेनानै माखासे समायना सावगासिखौ शेरार खालामदोंमोन। फिसाज्जाजों लोगोसे इलियानानि सावगासिफोराव फेन्सफोर आरो माखासे स्टारफोरा गोबां अननाय होदोंमोन। इलियाना डिक्रुजआ जेब्लानिफ्राय गावनि प्रेमेन्सिखौ फोसावदों अब्लानिफ्रायनो फेन्सफोरनि गेजेराव बनि फिसानि बिफाया सोर बेखौ मोनथिनो हास्थायनाया गोबां बादों। नाथाय फावखुंग्रिआ बेनि सायाव माब्लाबाबो बाश्वा सावरायखौ। सशेल मिडियाआव बिजों सोमोन्दो गोनां ब्लार सावगासिखौ थारैनो शेरार खालामदों, नाथाय बेवहायबो मुं लायाखें मोन। इलियानाखौ लानानै बाश्वा सावरायनाय बायदिब्ला बियो माइकेल डलनजों जुलि जादों। बे बोसोरनि मे दानआव बिसोरो जुलि जादोंमोन।

बिधु बिनद चप्रानि इन्डास्ट्रीआ 45 बोसोर आबुं जानायाव सावथुननि स्पेशेल स्क्रिनिं खालामनाय जादों



बलिउडनि मुंदांखा सावथुन मेकारफोरनि गेजेराव सासे मिबथिसार जानाय बिधु बिनद चप्राया सावथुन इन्डास्ट्रीआव गावनि 45 बोसोर आबुं खालामबाय। बिधु बिनद चप्राया फिचर सावथुन 'सजाए मौत' जों गावनि बिथोन होनायखौ जागायदोंमोन। बेनि उनाव बियो माखासे मोजां सावथुनफोरखौ नायगिरिफोरनि सिगाडव लाबोदों। थानाय सानखालि मुम्बाइआव बिधु बिनद चप्रानि 45 बोसोर जानायनि जर'खा खाबुआव मोनसे फिल्म फेस्टिबेल इभेन्टखौ खुंनय जादोंमोन। बे

इभेन्टआव सनि राजधान, शाहिन भाट्टनिफ्राय लानानै भिक्रान्त मेसि आरो गुबुन गिदिर गिदिर स्टारफोरखौबो लोगोसेथै नुनो मोन्दों। थानाय सान एबा 13 अक्टबरखालि बिधु बिनद चप्राया मोनसे जर'खा सावथुन फेस्टिबेलखौ खुंनानै गावनि 45 बोसोरनि गोलाव सम सावथुन बानायगिरि महरै केरियार बानायबोनाय फोर्बो फालिदों। बे जर'खा खाबुआव बलिउडनि मुंदांखा फावखुंगुरफोर जैरै कमल हासन नासिरुद्दीन शाह, जेकि श्रफ, आरो गुबुन मुंदांखा स्टारफोरा बे मेगा इभेन्टआव बाहागो लादों। बिधु बिनद

चप्रानि बे इभेन्टआव मुंदांखा फावखुंग्रि सनि राजदानआ फिसाजो साहिन भाट्टजों एन्टी जादों। बे समाव बिसोर सानैखौ गोबां समाइना नुदोंमोन। बिमा-फिसाजोनि बे ज'रया लोगोसेथै केमेरानि सिगाडव पज होदों। इभेन्टआव सनि राजदानआ स्लिभ प्रिन्टेड ड्रेस गान्दों। फारसेथिं शाहिन भट्टखौ खानाय हसारनायजों प्रिन्टेड क-आइआव नुनो मोन्दों। बे इभेन्टआव बलिउडनि मुंदांखा फावखुंगुर जेकि श्रफखौबो नुनो मोन्दों। बे समाव फावखुंगुरखौ गोथां गावनि शार्ट आरो ब्राउन गावनि पेन्ट गाननाय नुनो

मोन्दों। जेकि श्रफआ केमेरानि सिगाडव पजबो होदों। बेजों लोगोसेनो बे इभेन्टआव 3 इडियटसनि फावखुंगुर शरमन जशि, बिधु बिनद चप्रानि फेनो गोनां सावथुन '12 थि फेल' नि फावखुंगुर भिक्रान्त मेसि

आरो गुबुन फावगिरिफोराबो दंफायो। मख'नो गोनांदि, बे इभेन्टआव बिधु बिनद चप्रानि बिथोन होनाय सानथुन 'सामश'नि स्पेशेल स्क्रिनिं लाखिनाय जादोंमोन।

अजय कुमारआ सोलायनायनि सावथुन बानायनो हास्थायनाय फोरमायदों

फालांगि खालामनायाबो सावथुनफोरनि आलादा बाहागो। सावथुनफोरखौ गोबां रां बाहायनानै बानायनाय जायो। बेबायदिआव बै रांफोरखौ मुलाम्फाजों मोनफिननो थाखाय बानायगिरिफोरा गोबां हास्थायो। फारसेथिं फावखुंगुर अक्षय कुमारनि बाश्वाखौ बुडेब्ला बानायगिरि जानायखौ लानानै बनि हास्थायनाया गुबुन बानायगिरिफोरनिफ्राय एसे आलादा जादों। बियो समाजारि आयदाफोरजों सोमोन्दो गोनां सावथुनफोरा पेडमेन, टयलेट, एक प्रेम कथाजों लोगोसे गोबां सावथुनफोरखौ बानायखांबाय। बावैसो समाव मोनसे इन्टरभिडनि समाव अक्षयआ



बुंदों, समाजआ जायखौ गावनो होदों बेखौ होफिननायनि गावनिआव मोनसे नेम-खाथि दड। गाव मिबथिगोदि, सिं इज किं, उडडी राठौड़ एबा सुर्यभारि सावथुनफोरखौ खालामोब्ला 3-4 गुण रंखौ

आरजिगोन, नाथाय बेयो रंनि बाश्वा नडा। बे हमदांथिखौ जिउआव गाव गोबां सिगाडव मोन्दोंमोन, मानोना बै समाव गावनिआव रं गैयामोन, जायजों गाव सावथुन प्रडिउस खालामनो हायो। जेब्ला गाव

गावनि प्रडाक्शन कम्पानिखौ जागायदों अब्ला गाव बेफोर सावथुनफोरखौ बानायदोंमोन। गाव बेबायदि सावथुनफोरखौ बानायनो मोजां मोनो, मानोना गावनि नख 'रारि थासारिया बेबायदिमोन। गाव माब्लाबाबो

गाव बिमा-बिफाखौ नालायनाय नुफेराखै। गावसोरनिआव गोबां रं गैयामोन। 100 रंनि न' भारा होनानै गावसोर मुम्बाइनि गंसे फिसा न'आव थायोमोन। नाथाय सानसेबो समआ खुसि गोजोन नडै थासारिजों बारग 'नाडोमोन। आथिखालाव गोबां रां थासेयावबो माब्लाबा माब्लाबा दुखुनि थासारिया फेयो। अक्षयआ माब्लाबा राजखाथियाव थानो हास्थायगोन नामा होना सौथिनि फिन्नायाव बुडे। राजखाथियाव गाव थानो हास्थाय। गाव सावथुन बानायनो थाखायल' सोरजिजादों। इयुनआव मा जागोन बेखौ मिबथिया, नाथाय आथिखालाव गाव सावथुनफोरल' बानायनो हास्थायो, जायजों सोलायनाय फेयो।

कंग्रेसनि माखासे एमएलएफोरनि टिकेट दानगोन : गेहलत

जयपुर, 14 अक्टुबर : राजथावनिवाय फे गौ बिधानसभा बिसायख थिखौ नोजोर होना नै कंग्रेसआ सोलोखान्थि बानायनो जागायबाय। कंग्रेस राजस्तान राइज्यो बिसायख थि कमिटीआ माखासे थाखानाय एमएलएफोरनि हेंथायै पार्टीनि मावसुमाफोरखौ दिन्थिनायनि गेजेरजौ बिजाथिफोरनि मुनि सायाव सावरायो। मावसुमाफोरनि पार्टीआ बिधान सभा बिसायख थिनि थाखाय माखासे एमएलएफोरनि टिकेट दानांगो होना दाबि देखांदों। बे दाबि देखांनयनि गेजेरजौ कमिटीनि गुबुन सोद्रोमाफोरा शुक्रबार बेलासिसिमाव बेयाव पार्टीनि वार रुमयाव जानाय जथुमायाव बाहागो लायो। जथुमानि समावनो मावसुमाफोरा एमएलएफोरनि टिकेट दाननो



दाबि देखाडो। जथुमनि उनाव डटासराआ बयहाबो गावबा गावनि सान्नायखौ फोरमायनायनि मोन्थाइ दड होन्ना बुडो। बिथाडा खौरंगिरिफोरनि सिगाडव बुंदों, कंग्रेस मावसुमाफोरा गोलाव समनिफ्रायनो गावसोरनि सान्नायखौ फोरमायगासिनो दड। जुदि सोरबाया गावनि सान्नायखौ फोरमायोक्ला जौ बिसोरनि बाश्राखौ खोनासंगोन

आरो जाय मोजा जागोन, बेखोनो स्क्रूनि कमिटिनो फोरमायनाय जागोन। सुलुडव फोरमायनाय बायदिल्ला, राइज्योयारि कंग्रेस आफादगिरि गबिन्द सिंह डटासरनि दैदेननाय कमिटीआ दिल्लीयाव पार्टीनि स्क्रूनि कमिटिनि जथुमायाव बिजाथिफोरनि मुंखौ दिन्थिगोन। गेहलतआ बुंदों, बिसायख थिनि समाव सोरबा एमपि एबा एमएलएनि हेंथायै बिबुंथि

होनाया सरासनसा बाथा। बेबायदि बिबुंथिफोर सैथो एबा नंखाय जानो हागौ। बेयो मोनसे खैसार सानायबो जानो हागौ। बेबायदिया सोलिलांबाय थागोन। सिएमआ बुंदों, जोबथा थांखिखौ पार्टीनि आलाकामानआनो लागोन आरो देरहानायनि गुण थानाय बिजाथिनो टिकेट होनाय जागोन। गेहलतआ बुंवावदों, पार्टीआव गासैबो गाहामैनो सोलिगासिनो दड। पार्टीआ सान्ना राजस्ताननि बारानिफ्राय बिसायख थिनि हाबाफारिखौ जागायगोन, जेयव पार्टीनि आफादगिरि माल्लिकार्जुन खड्गेआ 16 अक्टुबरआव मोनसे जथुमाखौ सोमोन्दो लाखिगोन। कंग्रेसनि गाहाइ सेक्रेटारि प्रियंका गान्धी वाड्याया फे गौ 20 अक्टुबरआव दौसानि सिखरायव रेलि खालामगोन होन्ना गेहलतआ बुंदों।

अपारेशन अजयनि गेजेरजौ दासिमाव सा 447 भारतआरिफोरखौ इज्राइलनिफ्राय लाबोबाय

गोदान दिल्ली, 14 अक्टुबर : अपारेशन अजयनि नैथि फ्लाइटआ शनिबारखालि फुडव दिल्ली एयरपोर्टआव सौहैयो। बे उरां जाहाजआव सा 235 भारतीय नोगोरारिफोर गाखोदोंमोन। बिसोरखौ इज्राइलनिफ्राय रैखाथियै लाबोफिनबाय। अपारेशन अजयनि गेजेरजौ दासिमाव सा 447 भारतयारिफोरखौ इज्राइलनिफ्राय दिहुन्दों। मिरुआरि राइज्यो मन्थि राजकुमार रज्जना एयरपोर्टआव इज्राइलनिफ्राय फे फिन्नाय सुबुंफोरखौ बरायो। मिरुआरि राइज्यो मन्थिया बुडोदि, गुबुन फ्लाइटजौ फे फिन्नाय सुबुंफोरखौ बरायो। भारतीय नोगोरारिफोरा इज्राइलनिफ्राय लाबोफिननो थाखाय भारत सरकारनो साबायखर बाउयो।



सुलुडाव फोरमायनाय बायदिल्ला, अपारेशन अजयनि गेजेरजौ नैथि फ्लाइटआ जायगानि सम बायदियै (इज्राइल) शुक्रबारखालि हरनि 11.02 रिगायाव बिरदोंमोन। इज्राइलनिफ्राय भारतयारिफोरखौ दिहुन्नाय हाबाफारिया सोलिबाय

थागोन। मख'नो गोनांदि, इज्राइलआव गासै 18,000 भारतयारि नोगोरारिफोर थायो। बेनि सिगां इज्राइलनिफ्राय भारतयारि नोगोरारिफोरखौ लाबोफिन्नायनि सुबिधानि थाखाय गिबि चार्टर फ्लाइटआ थांनय बृहस्पतिवार

मोनाबिलियाव बेन गुरियन उरां जाहाज गाथोननिफ्राय भारतनि थाखाय रवना होदोंमोन आरो शुक्र बार फु डव भारतनि राजथावनि दिल्लीयाव सौहैयो। बे फ्लाइटआव सा 212 भारतयारि नोगोरारिफोर गाखोदोंमोन।

हादतआव गोखौ डिमान्ड जानायनि गेजेराव मार्सेडिज-बेन्जनि डिलिभारीआव गोबाव जादों

गोदान दिल्ली, 14 अक्टुबर: मार्सेडिज-बेन्ज आ आथिखालाव साप्लाइ चेननि आंखाल जानायनि जाहोनाव गावनि मोन 3 रोखोमनि गारिखौ डिलिभारी खालामनायाव गोबाव सम नांगौ जाना नै फेदों। बेफोर गारिफोरा जाबाय जिएलए, जिएलसि आरो जिएलएस एडिभिएस। कम्पनीआ बेखौ मुम्बाइआव मार्सेडिज-मेबैक भिजन 6 कन्सेप्टखौ बेखेवनाय समाव मिबथिहोदोंमोन। सेल्सनि बिथिखवबो मार्सेडिज-बेन्जनि मार्केट शेयारआ बांबोगासिनो। मार्सेडिज-मेबैक भिजन 6 कन्सेप्टखौ बावैसो सिगां मुम्बाइनि नीता-युक्ता आम्बानि कालचारेल सेन्टारव बेखेवनाय एबा दिन्थिनाय जादोंमोन।



कारखौ फेगौ 3 दानफोरनि थाखाय एनएमएसिसिआव दिन्थिनाय जागोन। भिजन 6 कन्सेप्टआ 2 सितार लाग्जारी कार, जायनि गोलावआ 5.7 मिटार। बेयो गं 4 इलेक्ट्रिक मटरफोरजौ खारो, जाय 73 बिएसपिनि जुथाइ पावार जेनेरेट खालामनो हायो। इलेक्ट्रिक कार

महराव बेखौ डिजाइन खालामनाय जादों। भिजन-मार्सेडिज-मेबैज 6 आव मोन 4 कम्पेक्ट पार्मानेन्ट चुम्बक सिन्क्रनास इलेक्ट्रिक मटरसखौ बाहायनाय जादों आरो बेयाव एल'व्हिल ड्राइभनि सुबिधाआ दड। ड्राइभ सिस्टेमा 738 एडसपिनि गोखौ पावार

आउटलुक होयो। बे लाग्जारी कन्सेप्ट कारआ 4 सेकेन्डनिबो खमसिन समाव 0-100 कि:मिआव 1 घन्टानि गोखैथियाव खारो हायो आरो बेनि गासै गोखैथियाव घन्टयाव 250 कि:मि। बे कन्सेप्ट कारखौ बयनिखुइबो आलादासिन मख'जाथाव बाश्राया जादों बेनि

रुफ एबा उखुमाव गल-विंग डर दड, जाय लाग्जारी कार बायग्राफोरनि गोसोखौ बांसिनै बोनो हादों। बेनि अनगायै मेवेजआव रेड पेन्टवार्क आरो क्रम स्टीप्सनि गेजेराव मोनसे जख्खा फाराग दड, जाय व्हिल आर्चनि सायाव आरो नबन्ट बुट लिडनि सेन्टारव दड। बेयाव 80 किल'वाट/घन्टा बेटारि पिक होनाय जादों, जाय सिंगल चार्जआव 320 किलमिटरनि रेन्ज होनो हानाय गोहो दड। मार्सेडिज-बेन्जआ 2023-24 नि गिबि दाननि गावनि फान्दो हानाय गासै अन्जिमाखौ फोसावदों। थांनय जानुवारिनिफ्राय सेप्टेम्बरसिमाव कार कम्पनीआ 11 जौखोन्दो बांनयखौ थिसन्ना 12,768 फसंथानफोरनो फान्दों। बेनि 25 जौखोन्दो फान्नाया बेनिनो टप एन्ड व्हिकल सेगमेन्टनिफ्राय फान्दो हादों।

काठमान्डु, 14 अक्टुबर : नेपालनि मनां एयारनि गंसे हेलिकप्टार शनिबारखालि मोनसे हाजोआरि ओन्सोलाव जाब्रबथाइ जायो, जेराव बेनि पायलटआ जोखोम जायो। हादतनि नोगोरारि उरां जाहाज अटरिदिनि सासे गागि बिबानगिरिया बे बाश्रानि खौरं होदों। बे मावख'नि लेडाइ बिथोनगिरि जगन्नाथ निरोलाआ बुडोदि, हेलिकप्टार 9 एन एनजेआ सा-सान्ना नेपालनि लुबुचेयाव बागलायनाय समाव कन्ट्रल गोमायो आरो बेयाव अर नाडो। अदेबानि बे हेलिकप्टारआ दावबायारिफोरखौ लायनो थाखाय एभारेस्ट बेस केम्पनि खाथि लुकलानिफ्राय रावना होदोंमोन। बिबानगिरिया बे जाथायाव पायलट प्रकाश सेधाइआव जोखोम जादों होन्ना फोरमायदों। मानोना बे हेलिकप्टाराव पायलटनि अनगायै रावबो गाखोयाखेमोन।



जोखोम जानाय पायलटखौ फाहामथाइनि थाखाय उरां जाहाजजौ काठमान्डुआव लाबोनाय जायो। बे जाब्रबथाइनि जाहोनखौ दासिमबो मिबथिनो मोन्नाय जायाखै। थांनय जुलाइ दानाव सलुखुम्बु जिल्लानि लिखुपिके गामियारि मिडनिस्पिल बर्डनि लमजुरायाव मनां एयार हेलिकप्टारनि जाब्रबथाइ जानायजौ सा 6 सुबुंफोरनि जिड गोमादोंमोन। केप्टेन चेत बाहादुर गुरुं आरो साबा मेक्सिकन नोगोरारिफोरजौ लोगोसे हेलिकप्टारजौ 11 जुलाइनि

फुडव सोमोन्दोआ बायो उनाव लमजुरानि सिहांडायाव जाब्रबथाइ जानाय अबस्थायाव मोनो। मख'नो गोनांदि, 1997 याव गायसनजानाय मनां एयारआ काठमान्डुआव थांनय गंसे हेलिकप्टार एयारलाइन। बेयो नेपालनि नोगोरारि उरां जाहाज अटरिदिनि नेम-खान्थिनि गेजेरजौ नेपाली ओन्सोलनि सिडव फालांगि उरां जाहाजनि लामायाव हेलिकप्टार सालायो। बे कम्पनीया चार्टर्ड सिबिथाइफोर होनायनि थाखायबो मुंदांखा।

चीनआ 18 अक्टुबरआव हादतनि जौगाखां हारनि अन्जिमा फोसावगोन



बेइजिं, 14 अक्टुबर: गुबुन हादतआव दैथायहरनाय आरो गुबुन हादतनिफ्राय लाबोनायाव दावखलायनाय, गुबुन हादतआरि बाजारफोरव डिमान्डआ दावखलायनायजौ थांनय दानाव हादतनिफ्राय लांनय आरो हादतआव लाबोनाय मोननैआवबो दावखलायनाय थिसनजादों। करना इन्वेक्सननि खैफोदजौ मुलुगनि 2थि देरसिन रंखाथि बेबस्थानि दावखलायनाया रिक्भारि एरिया आरो मुलुगनां

जौगाखांनायाव गोहोम खोख्लेदों। अदेबानि रंखाथिगिरिफोरनि बायदिल्ला, बयनिखुइबो गाजिसिन समआ जोबनानै थांनय। फालांगियाव थांनय दाननि रुजुनायाव सोलिफु दानाव सरासनसा साबसांनय फेदों आरो मेनुपेक्वारिआव सोलायनायनि इसार नुनो मोन्दों। इन्टरेसेनेल मान्दरि फान्डआबो चीननि जौगाखां हारनि हमदांनय अन्जिमाखौ बाडाइसिन खालामदों। बेनि बायदिल्ला, खेलेन्डार बोसोर 2023 आव चीननि रंखाथिआ 5 जौखोन्दो हास्यै बांगोन। फार्सेथि 2024 आव बेयो 4.2 जौखोन्दोआव थांनयनि आसा दड। रंखाथिगिरिफोरा हमदांदोंदि, 2थि 3 दानाव 4.4 जौखोन्दो गोखैथिजौ बेयो बांगोन। चीननि

रंखाथिआ दावखलायनायनि थाखाय कन्जुमार डेभलप आरो मुलुगनां डिमान्डआ दावखलायनायजौ लोगोसे रियेल एस्टेट सेक्टरआव नुजाथिनाय आंखालनि थाखाय बेयो गाहाइ दायनिगिरि। चीनआ फेगौ 18 अक्टुबरआव जौगाखां हारनि अन्जिमाखौ फोसावगोन आरो रंखाथिगिरिफोरनि हमदांनय बायदिल्ला, जुलाइ-सेप्टेम्बरआव रंखाथि राहाया बोसोरव 4.4 जौखोन्दोजौ दावखोमोन। बेयो थांनय 3 दाननि 6.3 जौखोन्दोनि रुजुनायाव गोबां खम। शुक्रु बारआव फोसावनाय अन्जिमाजौ मिबथिनो मोनोदि, जाग्रा मुवाफोरनि बेसेनआ 3.2 जौखोन्दो दावखलायदों। फार्सेथि अमा बेदरनि बेसेनआ बोसोरसे सिगांनि रुजुनायाव 22 जौखोन्दो खमसिन जादों।

रुफ एबा उखुमाव गल-विंग डर दड, जाय लाग्जारी कार बायग्राफोरनि गोसोखौ बांसिनै बोनो हादों। बेनि अनगायै मेवेजआव रेड पेन्टवार्क आरो क्रम स्टीप्सनि गेजेराव मोनसे जख्खा फाराग दड, जाय व्हिल आर्चनि सायाव आरो नबन्ट बुट लिडनि सेन्टारव दड। बेयाव 80 किल'वाट/घन्टा बेटारि पिक होनाय जादों, जाय सिंगल चार्जआव 320 किलमिटरनि रेन्ज होनो हानाय गोहो दड। मार्सेडिज-बेन्जआ 2023-24 नि गिबि दाननि गावनि फान्दो हानाय गासै अन्जिमाखौ फोसावदों। थांनय जानुवारिनिफ्राय सेप्टेम्बरसिमाव कार कम्पनीआ 11 जौखोन्दो बांनयखौ थिसन्ना 12,768 फसंथानफोरनो फान्दों। बेनि 25 जौखोन्दो फान्नाया बेनिनो टप एन्ड व्हिकल सेगमेन्टनिफ्राय फान्दो हादों।

आमेरिकानि नबेल बान्था मोनगिरि खन्थाइगिरि लुइस ग्लुकआ 80 बोसोर बैसोयाव रुंसारि जाबाय

निउयर्क, 14 अक्टुबर : नबेल बान्था मोनगिरि आमेरिकानि खन्थाइगिरि लुइस ग्लुकआ 80 बोसोर बैसोयाव रुंसारि जाबाय। ग्लुकआ गावनि खन्थाइ 'अचुक आवाज'जौ लोगोसे नख'र आरो उन्दै समखौ नायबिजिसनायाव गावनि रोखा बिबुंथि (फ्रेन्कनेश) लाखिनायनि थाखाय मुंदांखामोन। बिथांनो थांनय 2020 आव नभेल बान्था होग्रा स्कुइडिस एकाडेमिआ बुडोदि, बिनि खन्थाइफोरा नख'रारि जिड, बिमा-बिफा आरो बिदा-बिनानावफोरजौ लोगोसे गोथौ सोमोन्दोनि सायाव बिथा खालामोमोन। गुबुन लिगिरिफोरजौ लोगोसे रुजुनां



एकाडेमिया बुंदों, ग्लुकआ 19 थि जौथाइनि आमेरिकानि खन्थाइगिरि एमिलि डिकिन्सन बायदिनोमोन। आथिखालाव बिथां थैनायनि जाहोनफोरखौ मिडियाआव फोरमायाखै। येल मुलुग सोलौंसालियाव ग्लुकआ

इराजिनि प्रफेसारजौ गिबि खेब 1968 याव फस्टर्बन मुनि खन्थाइजौ लोगोसे सावरयगिरिफोरनि बाखायनाय मोन्दोंमोन, जायनि उनाव बे खन्थाइनि जाहोनाव ग्लुकआ बै समनि आमेरिकायाव

बयनिखुइ मुंदांखा खन्थाइगिरिफोरनि गेजेराव सासे जायो। बिथाडा गावनि थांनय थांनय समाव गोबां बिजाबफोर फोसावदों। बिथाडा 1993 आव वाइल्ड आइरिसनि थाखाय पुलित्जार बान्था मोनो, जाय खन्थाइगिरिफोरनि मोनसे बान्थामोन। पुलित्जारनि अनगायै ग्लुकआ माखासे गुबुन थुनलायारि बान्थाबो मोन्दों, जेराव 2001 आव लाइफटाइम एचिभमेन्टनि थाखाय मोन्नाय बर्लिगेन बान्था, फेथफुल एन्ड भाचुंस नाइटनि थाखाय 2012 आव मोन्नाय नेशनेल बुक एवार्ड आरो 2015 नि माहारियारि मानविकी बान्थाबो दंफायो। बिथाडा 2003-2004 सिमाव आमेरिकानि खन्थाइगिरि बान्था देहागिरि महरैबो खामानि मावदों आरो स्टेनफर्ड आरो येल बायदि फसंथानफोराव मख'जाथाव लिगिरिफोरनि इयुन जोलैफोरखौ फोरोडे। ग्लुकनि जोनोमा 1943 नि 22 एप्रिलआव निउयर्कआव जादोंमोन। बिथाडा लन्ना आइलेन्डआव गिदि-गोलाव जादोंमोन।

हमासनि मोन 5000 बमनि फिन्नायाव इज्राइलआ गाजायाव 6000 बमा गावदों

तेल आबिब, 14 अक्टुबर : हमास उतखारिफोरा इज्राइलनि सायाव सिगां सानाव खेबसेथेयो 5000 रकेटजौ गाग्लोबनायनि उनाव दावहाया गिखंथाव महर लायो। इज्राइलआ हमासनि 5मोन 000 रकेटनि फिन्नायाव दासिमाव गाजा पट्टीयाव 6 साननि गेजेरावनो 6000 निखुइबो बांसिन बमा गावयो। बेजौ गाजापट्टीआ



गोथैसालि जाखाबाय। इज्राइलआ थांनय 6 साननि गेजेराव गाजायाव गावखुबनाय बे 6,000 बमाआ थांनय बोसोरसेनि गेजेराव आफगानिस्तानआव आमेरिकानि गासै बमा गावनायनि समान। बेजौ इज्राइलनि फिन्नाय होनायखौ हमदांनो हायो। सिगांनि जर'खागिरि चार्ल्स लिस्टरआ बुंनय बायदिल्ला, हारिमायारि

उतखारि फसंथान आइएसआइएस होबथाग्रा जुथाइ हान्जाया सिरिया आरो इयकआव दानसेयाव मोन 2,500 बमा गावदोंमोन आरो 6 साननि गेजेरावनो इज्राइलआ गाजा पट्टीआव मोन 6000 बमा गावनां गेदान रेकर्ड खालामदों। इज्राइलनि बे गिखंथाव गाग्लोबनायखौ नुमाफिलिस्ताइनजौ लोगोसे मुलुगनाडै मुस्लिम

हादतफोरनि गेजेराव गिनाय नुनो मोनो। बेनि सोमोन्दै इज्राइलनि उरां सांथि (आइएफएफ) आ थांनय बृहस्पतिबारखालि बुडोदि, बिसोर शनिबारनि गाग्लोबनायनि उननिफ्राय गाजायाव हमासनि केम्पफोरनि सायाव गासै मोन 6,000 बमा गावदों। गाजायाव थांनय देहा मावख'था थांनय बृहस्पतिबारखालि फोसावोदि,

इज्राइलनि शैनाय फिलिस्ताइनफोरनि अन्जिमाया बांनानै सा 1,537 जाहैयो। बिबुंथियाव बुंनय बायदिल्ला, शैनायफोरनि गेजेराव सा 500 गथ'फोर आरो सा 276 आइजोफेखो दंफयो। बेा फरसे 6,612 सुबुंफेय जोखोम जायो होन्ना सुलुडव फोरमायदों।

हादतफोरनि गेजेराव गिनाय नुनो मोनो। बेनि सोमोन्दै इज्राइलनि उरां सांथि (आइएफएफ) आ थांनय बृहस्पतिबारखालि बुडोदि, बिसोर शनिबारनि गाग्लोबनायनि उननिफ्राय गाजायाव हमासनि केम्पफोरनि सायाव गासै मोन 6,000 बमा गावदों। गाजायाव थांनय देहा मावख'था थांनय बृहस्पतिबारखालि फोसावोदि,



देहा आरो नख 'र अन्साइ मन्थि आफाद
भारत सरकार



माहारियारि देहा मावथांखि, आसाम



ड॰ हिमन्त विश्व शर्मा
गिबि मन्थि, आसाम



ड॰ मनसुख मान्दभिया
देहा आरो नख 'र अन्साइ आरो रासायनिक आरो
हासार बिफाननि मिरु मन्थि
भारत सरकार

आसामआव देहा जौगा दाथायारि फोजौखांनायाव मोनसे गोदान दावबायनायखौ गायसन्नाय

आसामआव पिएम-अभिम, एक्सभि-एफसि हेल्थ ग्रेन्टस आरो एनएइसएमनि
गेजेरजों 121.51 कौटि रांनि गोबांथार देहा जौगा दाथायारि बिथांखिफोर
बेखेवनाय आरो अन्थाइ खाम्फा गाइसन्नाय हाबाफारि।

गाहाइ आलासि

ड॰ मनसुख मान्दभिया

देहा आरो नख 'र अन्साइ आरो रासायनिक आरो हासार
बिफाननि मिरु मन्थि, भारत सरकार

नुजाथिगोन

मुस्त्रि केशव महन्त

मन्थि, देहा आरो नख 'र अन्साइ बायदि आसाम

बेखेवगोन

फारिनं.	जिल्ला	जायगा	बिथांखि	बिथांखिनि बेसेन (लाख रांआव)
1	कक्राझार	गसाइगाव	कक्राझार जिल्लानि आरएनबि गसाइगाव एसडिसिएइसखौ 100-बिसिना गोनं फोजौखांनाय	2,182.09
2	चिरां	बिजनी	चिरां जिल्लायाव बेतागाव सिएइससिखौ बिजनी एसडिसिएइस महरै फोजौखांनाय	1,532.43
3	तामुलपुर	तामुलपुर	थाखानाय तामुलपुर बिपिएइससिखौ एसडिसिएइससिम फोजौखांनाय	1,659.58
4	जरहाट	तिताबर	जरहाट जिल्लायाव तिताबर एसडिसिएइसखौ गोखौंसिन खालामनाय	909.81
5	बरपेटा	नसत्र	बरपेटा जिल्लानि नसत्रआव कमिउनिटि हेल्थ सेन्टार आरो रेसिडेन्सियेल क्वार्टर लुफुंनाय	718.04
6	बरपेटा	चेडा	बरपेटा जिल्लानि चेडयाव कमिउनिटि हेल्थ सेन्टार आरो रेसिडेन्सियेल क्वार्टर लुफुंनाय	505.00
7	हाइलाकान्दि	नित्यानन्दपुर	हाइलाकान्दि जिल्लानि नित्यानन्दपुरआव कमिउनिटि हेल्थ सेन्टार आरो रेसिडेन्सियेल क्वार्टर लुफुंनाय	505.00
8	शिबसागर	हालुवाटि	शिबसागर जिल्लानि हालुवाटिआव कमिउनिटि हेल्थ सेन्टार आरो रेसिडेन्सियेल क्वार्टर लुफुंनाय	659.94
गासै				8,671.89

अन्थाइ खाम्फा गायसन्नाय

फारिनं.	मावथांखि	बिथांखि	जिल्ला	जायगा	बिथांखिनि बेसेन (लाख रांआव)
1	50- बिसिना सिंसिबि लुफुंनाय	पिएम अभिम, 2022-23	लखिमपुर	लखिमपुर मेडिकेल कलेज	2,375.00
2	आइपिएसएल लुफुंनाय	पिएम अभिम, 2022-23	नगाव	जखलाबन्दा एसडिसिएइस	125.00
3	बिपिएइसइउ लुफुंनाय	पिएम अभिम, 2022-23	कामरुप	नर्थ-गुवाहाटी पिएइससि	80.96
4	बिपिएइसइउ लुफुंनाय	पिएम अभिम, 2022-23	सोनाब कार्बि आंलं	बैतालांच बिपिएइससि	80.96
5	बिपिएइसइउ लुफुंनाय	पिएम अभिम, 2022-23	कामरुप	शवालकुचि बिपिएइससि	80.96
6	बिपिएइसइउ लुफुंनाय	पिएम अभिम, 2022-23	काछार	हरिनगर बिपिएइससि	80.96
7	बिपिएइसइउ लुफुंनाय	पिएम अभिम, 2022-23	शराइदेव	सापेकाति बिपिएइससि	80.96
8	बिलिडं नडै सिएइससि लुफुंनाय	एफसि-XV, 2022-23	डिब्रुगड़	साचनि सिएइससि	575.00
गासै					3,479.80

15 अक्टुबर, 2023

सावराय न'ब्लां, आइआइटि आलासि न'मा, गुवाहाटी